

البابا محمد ربيع رواية



البابا

محمد ربيع

رواية

فأجابوها والضيق منها يشتد : يا مقدسة ما يصحش كده ، انتى بكده هتضيعى الدنيا ، مش معقول اللى بتعملية ده

فأعادت النظر الى السيدة التى يتواصل صراخها والمها وصلت من جديد واجبرت يدها على المطاوعة وادخلتها وقلبيها مرووش ولما استقرت بالداخل ولما المدة اعلنت ان السكة امان وانقلبت فى الماضى وما جرى لم يجرى ، ابتسمت ونظرت حولها مشجعة ومطمئنة وقالت لنفسها : انا كنت هاتجنن، منين بيجى لمخلوق زى ده انه يعرف الحركة قليلة الادب دى ازاي يا لويزا ، انا باين كبرت وعقلى خف .

ثم وعلى غفلة صرخت من الخيانة والغدر ووجع الخداع الذى وقعت فيه : آه ، آه ، لآ ، لآ ، ده كثير قوى ، انا عمري ما حصلى كده

فقال احد الواقفين حولها وبعد المراجعة واعمال العقل يتضح انه الاب : يا مقدسة حرام عليكى ابني ومراتى هيموتوا، ايه الجنان اللى انتى فيه ده قالت المقدسة بعصية بالغة وهى ضامة قبضة يدها : انت اب فاشل انت معرفتش تربى احسنك البتاع اللى ف بطن امه ده يموت وتموت امه كمان كرياليسون ، كرياليسون

فقال الاب وهو مدهوش : انتى هيلة يا ست انتى ، ايه المصيبة دى يا بابا انا من الاول قلتك بلاش الولية دى اهو الواد هيموت فى بطن امه وهى عمالة ترغى فى كلام قاضى ، سايبه الواد وامه وقاعدة تحكى

فوجهت المقدسة حديثها الى الجد مضطربة بما ان الاب ادخله جبرا فى الموضوع : يا بيه يا محترم ابنك ده عيل وسخ ، هو مش لسه فى بطن امه بس صايع ولو طلع هيبهدلكوا

فقال الاب متعديا على دور الجد فى الرد على المقدسة ، مؤكداً بذلك ما قالته المقدسة منذ قليل

الى :

المجرم الروائى العظيم مارسيل بروس
صاحب البحث عن الزمن المفقود
وصاحب الجنين الذى فى دماغى .

- ليس مكتوم لن يستعلن
ولا خفى لن يعرف.
(انجيل متى الاصحاح العاشر - ٢٦)

- فى كل هذا الكون اما ان تكون رجلا
واما ان تكون رئيسا للجمهورية .

.. وكلما مدت يدها لتخرجه ، سحبته وهى تنظر حولها بقلق . وعندما يتساءل احد ممن حولها : فيه ايه يامقدسة . تجيب وهى تصوب صابعها فى وجه من اودى به الفضول الى ان يسأل فيما لا يعنيه : اسمع لا انت ولا الف زيك.

ثم تصلب وتمد يدها مرة اخرى لتتناوله من مكمنه ، اتمت الدخول واستقرت يدها مدة ثم انتفضت ساحبة يدها وهى تدير بشك بالغ رأسها بين الجميع قائلة : حد منكم فهم حاجة ، انتو عرفتوا اللى حصل .

عن انه اب فاشل ومعرفش يربى ففاقد الشئ
لايعطيه فهو لو متربى ما كان له ان يتجاهل اياه
الذى هو الجد ويأكل عليه حق الرد : انتى بتقولى
ايه ، يعنى ايه لو طلع انتى عايزانا ما نطلعوش
فقالت المقدسة بثقة : انا بقول كده انا عن نفسى
مستحيل اغضب يسوع الرب واطلع عيل زى ده
للدنيا

وهنا خلع الجد صمته وقال : ايه بس اللي مزعلك يا
مقدسة انا مش قادر افهم انتى مالك ، قوليلى ايه
اللى حصل وانا هاراضيكى واصالحك
: انت عايزنى اقول اللي حصل ، حاول تموتنى وانا
ساعتها ممكن حب البقاء يخلينى اقولك ، سعيدة
، خرج الاب من جوه الصبر واندفع نحو المقدسة
لويزا التى تمضى راحلة : انتى ايه ، حيوانة ، مش
سامعة الزعاق ، مش شايفة ان مراتى بتموت م
الالم وابنى جواها ، تعالى هنا

ومد يده التى يأكل بها ووضعتها بقوة فوق رقبتها ثم
ضم اليها اليد الاخرى التى لا بد منها لأنجاح الكثير
من الاعمال واتمامها ومنها الخنق ، فصرخت
المقدسة : انت ليه كده ، عاوز ايه انا ممعيش دهب
ولا فلوس ، خد كل حاجة بس سيبنى اعيش
لم يفهم الاب وتدخل الجد زانجا عنه الصمت الذى
ارتد اليه مرة مرة اخرى فأزاحه بقوة اكبر فلفصقه
فى الحائط ، ثم نطق : بلاش عنف يا متى يا ابنى
: يا بابا انا مش مهم عندى وجع الايدي انا ممكن
اضحى اكثر عشان ابنى يطلع للنور

ويده - الاب - ما زالت فوق عنقها ولكن الضغط اقل .
قالت المقدسة : يا محترم مش ضرورى خالص
يطلع هو للنور ، ندخله احنا كشاف نور جوه لحد
عنده ولاحتى توصيلة كهربا من العداد
صرخ الاب ولكن من داخله غزاه الامل : ازاى بس
صرخت هى - المقدسة - : طب بلاش ، بلاش ننور
له شموع

ويده ما زالت فوق عنقها ولكن الضغط يتزايد :
وهينفع ، انتى بتضحكى عليا انتى لازم حد يموتك
الليلة دى

تدخل الجد الذى منذ بعيد ركوبة للصمت : ما تقولى
ايه اللي حصل يا مقدسة ، نجى روحك م الموت ،
متى ابنى من ابرع واحسن قتالين القتلة فى
المنطقة

قالت المقدسة بعناد رغم اشتداد الضغط على
عنقها : ولا لو حتى مليون زى ابنك ده ، خليه
يموتنى وانا ساعتها هاشوف شغلى معاه
وصرخت الأم فصرخ الأب: يا بابا أبوس إيدك هات لنا
دكتور يلحق مراتى وإبنى، أبوس إيدك يا بابا على
بال ما أخلص على الولية دى.

من جديد طلب الجد من الصمت أن يطلقه ويبدو أن
الصمت فعل فقال لإبنه: يا متى يا بوى عليك لسه
ها نجيب دكتور ومكتور، بس يا مقدسة لو تقوليلى
اللى جرى لو تحكى لى، لترتاحى وترتاح.قولى
وتعالى نجب أيامنا وندوب فى ليالينا.

حلت فى المقدسة فورة غضب أمكنتها الخروج من
قبضة متى وقال للجد الذى استغزها: لا يا سى
مرقص، مش أنا بتاعة ليالينا، لعلمك لما كان
جوزى، شوف جوزى مش حد ثانى، لما كان بيحاول
يعمل معايا قلة أدب فى الليالى، كنت أقف وأقوله لأ
بالنهار ونور الرب مالى الدنيا وعشان إيه عشان
أشوفه بيحطه فى مش أبقى ضابغة فى الضلمة
ومش دريانة إن كان ورا والا قدام، أنا برضه متربية
كوبس يا سى مرقص.

ولول الأب: يخرب بيتك وبيت أمك، يا ست قولى
لابويا ع اللي حصل وزعلك واحنا نتأسف لك، قولى
إحنا نبوس رجلك، قولى وطلعى لنا الواد.

قالت مصممة: ولا تحاول، ابنك من دلوقتى
مفترى، اللي خلانى بامدله ايدى عشان اساعده

يعمل معايا كده، فأحب اقولك انه ما منوش فايدة ولا رجاء منه خلّوه جوه أحسن، وحاول تنساه.

قال الجد وقد مشى حاله مع الصمت وباع له التروماي: بس كفاية، اسمعيني بقا وخدى كلامي جد، ابن ابني لو كان غلط فيكى أنا مستعد أخذ لك حقك منه دلوقتي حالاً وأحرقهولك وانتى واقفة.

لانت المقدسة قليلاً: بس أنا مش شايفة معاك كبريت، انزلش اشترى لك علية.

فقال الجد الذى بدأ يبرطع فى دنيا الكلام من بعد الله يقدر روحه الصمت: معايا طبعاً

ووضع يده فى جيبه لإخراج علية الكبريت فلم يجد، نظر لابنه متى وقال: ألقاش معاك عود كبريت وشطاطة يا متى يا حبيبي.

بذهول وحسرة رد متى: إيه يا بابا

: حتى عود واحد نولع فى الواد البايط ده وأنا معايا الشطاطة

: طلع يا بابا عشان نولع فيه ، ماهو لسه جوه امه

: هنولع فيه وف امه

باستسلام وضعف وقلة حيلة قال متى :خلاص يا بابا خليه مكانه مادام من دلوقتي محدش طايقه

ورغم انهم وضعوها بره الحسابات ، لكن ولأنها الام فكان لابد وان تبدي رأيها فابتلعت صراخها وقالت

لهم : اسمع يا متى ، اسمع يا ابوه ، اسمعنى يا مقدسة ، ابني ده انسان محترم وراجل مش قابل

يكون مصيره ف ايدين جد ، انا ابني يا كلاب ان اراد الحياة فهي له رغم التأمر والمتأمرين ، ايها الحلف

الاطلنطى ابني جاي

ثم مدت يدها بحزم وقوة وفخر الى اسفل بطنها ودست يدها لتسحبه : اطلع يا حبيبي اطلع قول

كلمتك وعيش حياتك

انسلت الولد فى صمت ، لم يسمع منه بكاء وانما نظر لأبيه وحده وقال بصوت واضح النبرات سهل

العبارة : ايه يا ابن الشرموطة انت وهو ، انتو

فاكرين محدش عنده كرامة زيكم ولا ايه ، يعنى الواحد يعمل ايه لو حد شكه ف طيزه ، انا شخصيا لما الولية الكلية دى شكتنى رحت مبعصها ولما كررتها رحت عاضضها ، بس مش عارف ابن لبوة مين اللى وزها تعملها لتالت مرة ، ساعتها الزعل عما عيني رحت مناولها بتاعى يمكن تبرد وتعمل للاستهتاك آخر ، غلظت انا وبعدين ارجوكم كفاية تدخل ف حياتي لحد كده ، بابا كفاية عليك قوى اللى عملته فياوانا جوه ماما ، تأكد انى مش هانسى لك ابدا انك ترزقنى كل ليلة ف صهر ماما وتتف عليا ، كل ليلة كنت بتحرق دمي ، لما انت كارهنى ومش عايزنى بتخلفنى ليه ولعلمك مفيش عندي ليك سماح ، وانت يا جدى دورك معايا انتهى من يوم ما اكتشفت انك معرفتش تربى ابنك ولعلمك كل ليلة وانا جوه ماما وابنك داخل عليا كنت باسب والعن اللى خلفوه ، وانتى يا ماما ما اقدرش اقولك غير ان أن ل الليل ان ينجلي وللقيد ان ينكسر ، انا من اول دلوقتي حر نفسى ، رأيى من دماغى ، انا ابن اليومين دول ، انسونى يا جماعة ، سعيدة بقا ، عندي مستقبل لازم ادور عليه .

ومضى كما الغايت ولا هامه واكتشف ان البحث عن مستقبله يلزمه اشياء كثيرة ، منها ان يختار له اسم وان يدخل الحضانة كخطوة عادية وطبيعية وهامة ايضا . وفعل وبدأت ايامه الحلوة فى الحضانة وخصوصا اول يوم وقد قال لى بخصوصه : اول يوم ادخل الحضانة دخلت بصدري ، بايع روحى ، كان لازم كده عشان اى عيل ابن مرة وسخة شايف روحه ، يفهم الدنيا وياخد باله ان اليوم مفيهوش الا ٢٤ ساعة . ده اللى كان فى دماغى وانا داخل ، بس اللى حصل بقا ف الحقيقة واللى كان قدام عين ربنا ، انى لقيت عيال الحضانة اول ما شافونى لقيتهم فى نفس واحد بيهتفوا : احمس ، احمس

انا طبعا مش واحد بالى قصدهم ايه واعتبرت العيال دى هايفة . اتاريهم افتكرونى احمس بتاع الهكسوس ولما وحدثهم مصرين ع الحكاية دى ، صدقت مع انى كنت محتار قوى ، العيال دى شافت احمس ده فين .

تانى يوم طلعت ع الحصانة راكب العجلة الحربية اللى سرقته م المتحف وليست الطقم الفرعونى وكنت اتفقت مع شوية عيال من بتوع السبارس ، العيال اللى ما وراهاش حاجة دى انهم ييجوا لى ع الحصانة على اساس انهم الهكسوس ويهجموا ع الحصانة ، واروح انا ساعتها طالع عليهم واحرر الحصانة من الاعداء . لكن الهكسوس البهايم بهدلوا الدنيا، دشدشوا كل قزاز الشبابيك ويطحوا المدرسين والمدرسات وتغوا على وش الناظر وطلعوا ميتين ام العيال بتوع الحصانة ، كانوا يعملوا كل مصيبة م المصايب دى وقولوا للناظر المتغوف عليه : وربنا بقا احمس بتاعكم هيعمل ايه

ياه ع المخ الوسخ لما الدم يضرب فيه ، الزعل عمانى ، رحت ناطط ع العجلة الحربية وهبدت الجحش كرباحين ، اتحرك خطوة والعجلة اتبعثرت ع الارض ، لكن مع كده ما وقفتش ولا ينست ، رحت قالع لهم هدومى وفضلت بالكلوت وسريعا بسرعة حلقت دماغى ع الزيرو ورسمت جمل فوق الجمجمة لزوم تشيت الانتباه وخداع البصر وطرت لغوق بتاع عشرة متر ولغيت ف الهوا ورجعت للارض منقض ، اتناولت الهكسوس السبارسجية واحد ورا الثانى وارميهم برة سور الحصانة وكل ما القح عيل ، الهنافات تزيد وكل ما تزيد الدم يضرب ف قلبى وعرق الافترا ينقح عليا ، افتريت على نفسى قوى واتناولت العيال الهكسوس تانى وطرت لحد السما الاولانية ورضيت الاعداء جنب بعض زى المعيز ونزلت واحاسيس البطولة قتلاى والحماسة وخدانى وانا باغنى : الله اكبر فوق كيد المعتدى و

خللى السلاح صاحى . وكنهم شعبي فى الحصانة كانوا ساكتين ثم صاحكين قوى ، تسألت : ايه با جدهان

بيصوا لى ويضحكوا ولما كانت الذكاوة عندى متوفرة ، قدرت افهم ان الضحك عندهم لا يكون الا بالنظر عندى ، بصيت على نفسى ، اتارى الهكسوس ولاد الكلاب نشلوا الكلوت الالوان بتاعى ولأن البطل عنتره بن شداد قال فى يوم م الايام : اللى يضيع منه كلوته تبقى طيزه ملطشة . ولأن البنى ادم مننا ما هو الا منظر قدام الناس فكان عليا ان اطيح مرة اخرى لاسترد شرفى المنشول .

خطفت نفس عميق وجعلت فى عينى نظرة انور وحدى لفريد شوقى فى فيلم امير الانتقام وبحركة سريعة حركة واد فاهم الدنيا كويس وعارف قطر الصحافة كام عربية ، طرت طيران بشيع لدرجة انى وانا مش واحد بالى لقيتنى مرة واحدة راسى اتخبطت ف حاجة جامدة قوى ، دخت ، عينى قفلت بتاع ساعة ولما فتحت ، بصيت حواليا وجدت انى اتخبطت ف كبوت طائرة والواد السواق بيعدل ف المراية وعمال يسب ويلعن فيا : مش تفتح يا ابن امك يا حيلة يا معفص

فقلت له : وانت بفقر اللى خلفوك مش تزمز ولا تفرمل ، انت راكب جاموسة يا حنة جحش

لقيته راح لافف بالطيارة ودخل عليا عايز يدوسنى ، انا طبعا ما استنتش ، على طول افتكرت له حركة حلوة من حركات العيال المرقعة ، قمت طلعت من بقى شوية مسامير وزى الهوى رميتهم تحت عجل الطائرة ، العجل هوب فرقع والطيارات ما تعرفش تمشى وعجلها فاشش ، راحت واخدة الواد السواق الخول ونازلة ل الارض ، والواد السواق لسان امه طويل ، على وش موت وبرضه مش راحم روحه ، بدل ما يقول له حاجة تيجى على مزاج ربنا ، الكلام بتاع الموت ده ، لأ ، نازل فيا شتايم ، وانا من

ذوقى وادبى باسمع واستغفر يسوع اول بأول
ومش راضى ارد عليه الكلب ابن الكلب ، الى ان
سمعتة يستنجد بى : الحقنى يا احمس
قلت فى روحى : هما ولاد اللبوة دول شافوا
احمس فىن ، هو مفيش غيرى اللى ما شفش
احمس ده ولا ايه

المهم ، عرق الشهامة نقح عليا ، مديت ايدى وقبل
ما تلمس ايديه فوجئت ، اتخدت على خوانة يعنى
بسرب ، جيش غربان ، بتاع مليون ، عشرة مليون ،
العدد ده على حسب عدى ، يعنى مش اقل من
٢٥٠٠ غراب وكل غراب ابيض من اخوه ، خدونى ف
سكتهم ، ما لحقتش اعمل حاجة ، الغربان طايرة
وانا ازعق واصرخ ولا حد سامعنى ، واحد منهم خد
باله وكان بشنب وقال لى وهو يطبطب على كتفى
: والله سلامات يا قابيل افندى

قلت له : قابيل افندى مين يا غراب
قال لى : مش انت قابيل افندى آدم ، انت نسيتمنا
ولا ايه ، ده احنا عملنا احلى شغل زمان مع بعضينا
بصيت له وانامش فاهم والوقت عمال يعدى وانا
عايز اروح لأمى وهما لسه طايرين ، لحد ما لقيتهم
وقفوا مرة واحدة ، الغراب الكبير بتاعهم بص لتحت
على الارض وبص لرجالاته : وصيتى الاخيرة يا
جماعة اوعدوا تعدوا من مكان يكون على ارضه
الراجل ده ، تدور لكم على سما تانية ، سامعين

فقال احد الغربان : وده مين يا ريس
اجابه : ده بعيد عنك وعن السامعين المحروق ابن
المحروق حسين ملك الاردن

فأتى صوت غراب عجوز من الخلف : يا دى السنين
الغبرة ، ارجعوا تانى شوف لنا سكة تانية يا ريس ،
ما دام المعرص ده واقف لنا تحت ، من ايام جده ما
اتخلق وهما قاطعين علينا السكة

فسألت رئيس جمهورية الغربان : طب وهو جه
عندكم ما تعدوا

فقال الزعيم الخالد للغربان : اسكت أنت يا سى
قابيل ، أنت أصلك نفسك حلوة ، بس أنت مش
هتتفعنا لما ربنا يزقنا أنا والغربان الغلابة دى
ويقوللى ليه يا غراب يا كبير يا عاقل يا احسن
اخواتك لما شفت حسين ابن عبد الله ، أقولك بلاش
حسين وأبوه أى حد من الحكام العرب اللى أنت
عارف كويس انهم انجس خلق الله قبل اليهود ، ليه
ما لغتش من مكان تانى مش أنا عامل كذا سما ، رد
عليا فهمنى طبيعة موقفك . هتقف معابا أنت
ساعتها ، إحنا يا ابني ربنا وهو بيخلقنا قال لنا ما
نعديش من مكان فيه أمثال النفر حسين وإلا أصابتنا
اللعة دنيا وآخره .

فقال أحد الغربان وهو يمسك كتاب ويرتدى نظارة :
سؤال يا ريس ، أنا من المعارضة وعمايز أقول إن كل
المنطقة اللى إحنا اتزقنا فيها دى مش هتتفع
نعدى منها ، لأن كل المنطقة العربية دى كلها قطاع
طرق زى الملك حسين واوسخ منه بمراحل

فقال الرئيس : يعنى نعمل ايه

قال العجوز : إلا غضب الله ولعنته

قال المعارض : إذن

قال الرئيس : إذن هى الإبادة

وفى لمح البصر أخرج كل منهم مسدسه سريع
الطلقات وقضوا على بعض تباعاً يعنى خلصوا على
بعض وسقطت إلى الأرض كما تساقطوا، فأنا بقا
جت وقعتى فى حمام سباحة كبير
قوى، شكرت الرب ولما بصيت حواليا، ألقى مين
جأى عليا وبيعوم ناحيتى، هو بنفسه الملك
حسين، أول ما قرب منى، بص لى قوى وراح
واخذنى بالحضن، أنا قلت علشان أقصر عليه شغل
الاستعباط ده: أنت تعرفنى يا صاحب الجلالة

قال لى: طبعاً أنت ملامحك يهودية، تبقى من ريحة
الحبايب، تبقى حبيبي من النهاردة يا حبوب اعتبرنى
أبوك وأمك، أنت خلاص هتعيش معابا.

أنا كان ليا فلوس عند ناس وعازر أرجع لأمي، قلت له: يا عم الملك مقدرش أنا أهلى عازينى.

قال لى : يا ابني انسى الماضى امال.

أقول له: عازر أروح.

يقوللى: رزقى ورزقك على الله، يعنى هاغلب فى لقمتك يا ابني.

طلعنا من المية، سلمت أمرى، ونده هو على أحد حراسه، جاء قائلاً: أمر مولاي

فقال مولاه : لا ، ولا حاجة ، روح أنت.

ولما ادى ضهره، أخرج الملك سلاحه وصوبه على حارسه وأطلق النار، سقط الحارس صريعاً قالى الملك: ايه رأيك حركة حلوة مش كده، خدها منى نصيحة اوعى تضرب حد وهو مدبك وشه، أحلى ضرب اللى فى الضهر، تعرف أنا كان نفسى أعمل الحركة دى مع اللى مايتسماش جمال عبد الناصر، كان كاسر عيني وذاللى وموقف حالى و..

ولكنى ماستبوش يكمل، نزعة الانتماء والحس الوطنى والرعة اللى اترعرتها فى بلدى وعرق النحررة نقح عليا، رحت قايم على حيلى وسافحه كفين وزعقت له: اخرس يا واطى، اخرس، ماكانش العشم يا حسين، اخص، قوم، غور من وشى دلوقتى لتبقى ليلتك خرا.

حط وشه فى الأرض ومشى، رحت منادى عليه، صعب عليا، ماكنتش عازيه ينام زعلان، خدته بالحضن وقلت له: معلش يا سحس أنا آسف أنى عملت كده..

ولسه هاكمل كلامى، لقيت ضرب النار اشتغل، الرصاص زى الرز حوالينا، قبل ما أسلم روحى، رصاصتين فاتوا فى مناخيرى وحسيت بيتاع أربع، عشر رصاصات فى قلبى وماعديتش الرصاص اللى دخل فى ركبتى اليمين، أنا اترميت ع الأرض والزعل عامى عيني، ومع ذلك خدت حسين تحتى مع إن ولا رصاصة جت فيه ابن الوسخة، شوية

الضرب وقف، جيت على نفسى وعملت روحى الرصاص ماجاش فيا، شفت الواد اللى ضرب علينا النار طالع يجرى، اتجننت وعرق الانتقام نقح عليا، رحت راكن ركبتى اليمين اللى باطت وطلعت أجرى وراه زى المجنون، هو يجرى وأنا كمان أجرى وما كانش ينفع أقف فكنت أجرى ومع الجرى وتيار الهوا العليل وتغيير الجو، الجروح لمت وأنا لما لقيت كده، رجعت بسرعة اتناولت ركبتى وطلعت أجرى تانى ورا الواد الإرهابى و أهو منه جري علاج وجرى أخذ تار.

وقد تواصل الجرى، أوشك على اللحاق به ثم يفر، وأجاهد مرة أخرى لأوشك أن ألحق به ويحدث أن ألحق به ولكنه أيضاً يفر، كان يدخل فى شوارع ويخرج من شوارع وأنا مش قادر أزود سرعتي عن ١٢٠ كيلو متر فى الساعة علشان الرادار، أنا لو وقفونى بتوع المرور وادونى مخالفة، هيضع منى الواد الإرهابى نهائياً، وفى عز استغراقى فى الجرى وبعد الصحرا ما خلصت ودخلنا العمار تانى، سمعت من ينادينى: انت يا مرقرق، انت ياللى تشيل الطين عليا من بدرى، انت يا واد يا حرجوم، بتجرى رايح فين ياللى يتقلب عمودك.

و أقف وأبص واستعجبت: ماما

: أيوه ماما ياللى تعدم أمك، كنت فين يا واد من يناير لحد ديسمبر

: أبداً يا ماما ، أنا آسف انى عوقت.

وكان ماينفعش اكلم ماما-خصوصاً- من غير أدب لأنى بحبها عكس المحروق بابا والمفضوح جدى.

: طب ادخل قدامى.

قلت لها وقد توقفت لبتاع برهة من الوقت: معلش يا ماما، بس لازم أحيب الواد ده.

واعطيت لروحى الخامس وانطلقت ورا الواد الارهابى - سيقول احد الاخرين : طب وليه انت ما طرتش زى ما طرت ساعة العيال الهكسوس ،

هاقوله خد وامد له فى وشه صباعى الوسطانى
واكمل : كل وقت وله حاجات تتعمل فيه يا لوح .

المهم ، راحت منى ايام كثير والجري لسه مستمر ،
لا شئ يوقفنى ، كل الحاجات باعملها وانا باجرى ،
اكل وشرب ونوم واستمتاع بالحياة والقيام برحلات
والفرجة على عروض السينما ، حتى ان الخرا كان
بيقع منى وانا باجرى دون ضوضاء ومن هنا
اكتشفت حل عبقرى : ازاي الواحد يشخ من غير ما
يشم ريحة خراه .

والواد الارهابى كان يختفى مرات نادرة عن نظرى
ولكنه دوما فى مجال رؤيتى وكان للحال ان يدوم
ولكن لف الايام ودورانها اتيا بى حيث سمعت من
ينادينى : انت يا مفرق ، انت ياللى تشيل الطين
عليا من بدرى ، انت يا واد يا حرجوم بتجرى رايح
فين ياللى يتقلب عمودك

واقف وابص واستعجب : ماما

: ايوه ماما ياللى تعدم امك ، كنت فين يا واد من
ديسمبر لحد نوفمبر

: ابدا يا ماما ، انا اسف انى عوقت

، وكان ما ينفعش اكلهم ماما من غير ادب خصوصا
لأن كان معاها بنت حلوة قوى وانا قتيل الحلوة
لذلك قد حبيتها .اسمها ايه يا ماما ، قالت اسمها :
فلوكس ، يوووه يخرب بيت الحب حتى اسمها حلو
يا ربى ، سألتها : انتى تعرفى يا فلوكس ان اى
كلمة هتقولها ممكن تناخد عليكى وتتجسب ضدك
، لم ترد ، فقلت : عاوزه تقولى انك عارفة ، طب
كويس والله ، بس متخافيش منى انا ، انا فدا
ضحكة حبيبتى بالروح والجسد

، فى عينها كان فيه سؤال ، قريته لأنها ما ردتش
برضه وجاوبتها عليه : لا انا مش من الدهاشنة ،
طب اقولك ليه الليل دايم بيتيجى فيه الساعة
١٢،٣٠ بعد منتصف الليل

، حصل لى وهم ان شفايفها اتحركت وخرج من
حجرتها صوت ولكن لأنى ما سمعتش حاجة فقلت
: طبعا انتى اول مرة تشوفينى ، بس اكيد فاهمة
ومقدرة انا ليه ما باخدش بالى خالص

التساؤلات عندها ما بتعديش عينها ولما كنت متأكد
انها مش هتتلق : عاوزه تعرفى ايه اللى ما
باخدش بالى منه خالص ، لا ، ما ينفعش ، ما انا لو
قلت لك ابقى واخد بالى

، شفايفها تحركت للمرة الثانية وتخيلت انها هتتكلم
ولكن ودانى ما وصلهاش حاجة ، فتوقفت عن
التخيل وقلت لها : ايه يا فلوكس يا حبيبتى انتى
ساكتة ليه انا ما سمعتش صوتك خالص لحد
دلوقتي ، انتى خرسة ولا ايه

هزت رأسها بمياعة . اذن هى تسمع ولكنها لاترد
فأرجعت هذا للكسوف .مرت شهور وايضا لم تكن
قد تكلمت او سمعت لها صوتا حتى وهى تعطس
،شككت فى الامر فقد تكون مبطنة بعوازل للصوت
او ربما كانت تحتقرنى لدرجة انها ترى ان صوتها
خسارة فيا وكان عرق الكرامة هيفز على حيله
وينقح عليا لولا انى كنت فى هذا اليوم محتاج لها
وعايز منها كلوت سلف من بتوعها اطلع بيه رحلة
للبحر لأن كلوتاتى كلها دايبة ، انتظرت ردها ،
هتدينى ولا مش هتدينى ولكن السكات نايكها ،
ففاض بيا وقلت لها مهددا : لو ما اتكلمتيش ورديتى
عليا يا فلوكس هاسيبك وامشى للابد. واللى حصل
انها الظاهر كانت تريد الفراق ، يا خسارة كل الحب
وكل الغلوس اللى صرفتها عليها ، يا خسارة
دموعى وانا باكتب الشعر ليلاتى . فقامت جاررا
قدمى ، موجوع ، قلبى متكسر ، اتدغدغ حت.ادبتها
ضهرى ومشيت . ثم وكأن طن ديناميت انفجر فى
ودانى ، سمعتها تقول لآخر : حاسب بزتى يا ابن
المتناكة

، التفت اليها ولأنها كانت هي وليست أخرى غيرها ، فلم أتجاوز ولم اطنش وعرق الكرامة نقح عليا ، فجريت عليها ، جريت هي امامي ، جرت الشرموطة وانا الجرى لعبتي وانا بس كنت عايز اقولها ماكانش له لزمة كل السكات وكل التمثيل اللي عملته عليا وكان م الاول تقول انها ما بتديش كلواتها لحد . لكن مع ذلك رب ضارة نافعة ، فمن اين كانت سنأتيني هذه القصيدة الجميلة ، لو اني لم اتعرف على فلوكس :

رمت عليا عينيها
ورمت عليا البوك بتاعها
جابت لي مصيبة
ومع ذلك قلت لها بحبك
لبستني حلة ملوخية
فهمتني انها مش ليا
زقت عليا اخوها الطحش
قلت لها بحبك
لمت عليا الناس
حتى المعلم عباس / المعفن
قاللي: اتلم يا علق
واناوسط جراحى
قلت لها بحبك
قالت لي : لأ بقا ، احه
ده انت ما عندكش دم
قلت لها : قديمة
برضه بحبك
، جميلة لكنها ليست اجمل قصائدى .

ولأن سنى تقدم ولم يعد كما كان ، كان لابد وان اعيش قصة حب أخرى جديدة بدلا من ان احب على روى .

وهذه البنت الجديدة جأتني على غفلة فأول مرة شفتها بعد سنة من اختفاء فلوكس ، لقيت واحدة باصة لي وبتضحك وانا اتربيت على ان لما واحدة

تضحك لواحد ، يبقى الموضوع كبير ، يعنى انه لو حاول يكلمها مش هتقول له لا ولما يكلمها هيحصل انهم يرتاحوا لبعض وبعدين يقولوا لبعض نكت ولما الها والكركر يشتغلوا يبقى هتروح زغدانى فى كتفى عشان ابطل لحسن هتموت م الضحك ، اروح انا ضاربها على بززها ، تروح هي قايلة لي :

اتجوزنى يا مجرم يا ابن المجرمين
هذا هو التفسير الوحيد لما واحدة تضحك لواحد ، بس لأنى مش أى واحد ده انا حرجوم ، فهي لما ضحكت انا رحت راصصهم لها : ولما انتى يا مدموزيل بتحبنى قوى كده ساكتة ليه من زمان انتى ما بتسمعيش اغانى ما جاش فى ودانك ابدأ الغنوة اللي بتقول ما دام بتحب بتنكر ليه ولا الغنوة القائلة لما انت مش قد الهوا بتحب ليه ولنغرض يا محترمة ، خلىنى معاكى ل الآخر انك ما صادقتنيش ف السكة وحت لك فرصة عمرك عشان تضحكى لي ، كنتى هتفضلى صارة فى قلبك وساكنة ، ليه ما تكونيش جريئة وقلبك حامى وتأخدى حقك وتجرى عليا من اول ما حسيتيني فى قلبك وتتشعيطى ف رقبتي وتهرينى بوس وتقوللي بحبك يا حرجوم وانا اعمل روى ولا انا هنا ولا كأنك بتتكلمى ولا اديكى وش وانشف ريقك على بال ما ارد عليكى ، ليه ما تعمليش كده بدل ما تفشخى لي بقك بالضحكة الهيلة دى

، البنت ما كانتش واقفة على بعضها وانا باكلمها مش عارفة تتلم على نفسها ولا قادرة تنطق من كثرة حبها لي ولما لمت روحها شوية قالت ايه قال :

ازاي حيوان زى يكلمها بالشكل ده
قلت وانا فاهمها كويس : يخرب بيت ام الافلام العربى اللي ضيعت نسوان البلد يا نيلة انتى الافلام حاجة وحيك ليا حاجة تانية ، مش معنى ان فاتن حمامة تقول البوقين دول لرشدى اباطة ف فيلم ويسكت ، انك ممكن تقوليهملى واسكت ، لأ يا

محترمة مش كل الرجالة اللي يتبهذلوا ويسكتوا
وان كان سى رشدى طاطا وعداها لتونة انا بقا
مش رشدى يا اختى ، ده انا صايح قديم وممكن
قوى افتحكك دماغك

، فكما هى الافلام التى هى مأثرة فيها ، قامت
بوضع يدها فى وسطها واطلقت شجرة طويلة ،
جميلة ، تتمتع بالنفس الطويل بنت الايه وقالت :
هوعشان افكرت لى حنة من مسرحية وغصب
عنى ضحك وعشان حظى المهيب تيجى الضحكة
ف وشك انت ، يبقى بحبك يا مغفل

كانت تقول وهى تأكلنى بعينيها ، حاسس بيها
عايزة تحضنى وخجلانة بتشتمنى وقلبيها بيتقطع ،
حسيت انا بده وانا اكتر حاجة شغالة عندى
الاحساس بس هى الكرامة عرقها نقح عليا تانى ،
رحت مطوح ايدى ولاطشها كفين ، اتلوجت

هى بقا تعمل ايه فى كده ، صوتت ولمت عليا
الناس وبأمانة وهى بتعمل ده وبتقول الحقونى
،الحقونى ، كانت زى ما تكون بتقول بحبه يا ناس ،
بحبه يا ناس

الناس اتلمت ،مالك يا ست ، راحت حاطة ع الكلمة
عشرة وشاورتلهم عليا وهى ايديها بتترعش،ماهى
دايبة فيا بقا ، بس اول ما شاورت لقيت بتاع ١٥
مارد جاين عليا فقد تصادف اجتماع كل مرده
المنطقة فى هذه اللحظة الضيقة .

روحى قالت لى اجري يا حرجوم رحى جارى
فالجري من امام المرده كل المجدعة ولكن
اكتشفت ان الجري لن يجدى مع هؤلاء فخطوة
منهم بمائة من عندى ، طب اعمل ايه انا ممكن
اطير او امشى ع المية بس قلت لى لأ يا واد يا
حرجوم كفاياك منظره على خلق الله وكمان دى
عيبة ف حقى انى اجري قدام ولاد الكلب اللى ورايا
دول والبنت شايفانى وانا اصلا مش ١٥ ماردا للى
يخوفونى ، رحى واقف ، اديتهم وشى ،زغرت لهم

زغرة نشفت دمي انا لأنهم ولا كآنى عندى عين من
الاساس ولكنى تماسكت وقلت لهم : تعالوا ورايا يا
اوباش ، انا هاعلمكم الادب

وبمعجزة مشوا معايا البنت اللى بتموت فيا ، اول ما
شافتنى راجع والانجيل كان هيغمى عليها م
الفرحة ، زعقت وشتمت وده من ورا قلبها طبعاً
وشغل تمويه ابطلا لكلام الناس ومحاولة لمدارة
حبها لى عنهم ، يخرب بيتها ، سكرة البنت دى .

انا وقفت والمرده اللى ورايا قلدونى ووقفوا وكان
من المحتم انها هتكون مجزرة وكنت ناوى احط واحد
ع التانى واعجنهم ف بعض لكن يسوع هدانى
وانزل عليا السماح والعفو وتذكرت كلمته اللطيفة
احبوا اعدائكم، خدت على نفسى عهد امام الرب
انى ما المسيش اى ماردا منهم ولا أأذيه وبصوت
هادى خالص قلت لهم : خلاص يا ولاد ، يلا روحوا ،
انا مش زعلان منكم ومش هامد ايدى على اى حد
فيكم ما تخافوش

بصوا لبعض وبان عليهم الشر والنية السوداء ، طب
وبعدين البت لسه واقفة تعيط بخايفة عليا
ولواضربت الساعة دى هتبقى فضيحة ، تعمل ايه
يا واد يا حرجوم ، لسه بفكر واحد وادى مع نفسى
بصيت على حين فجأة لقيت قطر سريع جاى
وداخل ع البت المدهولة حبيبتى وهى مش واحدة
بالها ، نظرت نفسى ووقفت بين حبيبتى والقطر
وزرعت رجلى ف الارض ومدت ذراعى الشمال ،
فاصطدم القطر بيه فوقف وبقا يتهز زى الواحد لما
يكون بردان والعدرا عجله بقا يلف ع الغاضى ف
الهوا وانا شخطت ف البت : يلا غورى من هنا
امشى

واضطريت استنهاها لما تلم حاجتها وتوضب نفسها
وتعدل شعرها وتصلح المكياج وتعدى وانا بصراحة
كنت بدأت اتفرز ويعنى الواحد يقول الصدق كانت

ايديا بدأت توجعنى ، كتر خير الدنيا ، الواحد صحته
مش قد كده

البت عدت ، رحت فالت القطر ، المردة اللى كانوا
ناويين ع الشر ، غيروا رأيهم ، عجيبة هى افعالك يا
رب ، يعنى كان لازم شوية منظره عشان الواحد ما
يرجعش للشر تانى .

وفى تانى يوم قلت بينى وبين نفسى يا واد يا
حرجوم حرام عليك وعيب قوى اللى بتعملوا فى
بنات الناس ده ، البت هتقطع روحها عليك وزمانها
مغفرة من الشوق وانت قاعد هنا زى الشاب اللى
اتبعض ومش عارف مين اللى بعيصه ، لأ ، يا
حرجوم مش انت اللى تعمل كده ، قوم يلا انقذها
وارحم دموعها ، فقررت ومضيت الى بيتها بعد ان
لبست ماكان على الحبل .

دققت بابهم ، فتحت هى ، ما ان رأتنى حتى حصل
لها ما توقعته هيسترى وتشنج ، كنت عارف انها لن
تتحمل فرحة دخلتى عليها .

اخذوها الى غرفتها بينما استقبلنى الافندى ابوها
واجلسنى معتذرا عما حدث جاهلا ان ما فيه بنته
بسببى ، بسبب حبها الذى كسر الدنيا لى ، غلبانة
البنت دى ومسكينة العشيق قاتلها .

قلت له بعد ان وضعت ساقا على ساق : هى طبعاً
مش قايلة لكم

: مين يا ابنى اللى مش قايلة لنا

: اللى حبتنى وبتدارى عليا ، ليلها نهارها بتفكر فيا
ويتستنانى انا اللى اقول

: فايضة احمد

: فايضة احمد ، ياه ، انت حضرتك يا عمى اسمك
احمد ، انتو بقا ممكن تكونوا مسلمين ، يا دى
المصيبة

: انت بتقول ايه يا استاذ انت عايز مين

: الاول بس قوللى ، طمنى هى بنتك اسمها فايضة
احمد

: يا حبيبى دى المطربة المشهورة مش اسم بنتى ،
فهمت

: ريح قلبه يارب ، الجدع ، الطيب ، الكريم ده ، اكرمه
يارب

: عشت يا ابنى ، أى خدمة بقا

: قوم اندها

: انده مين

: قولها بس حر وهى هتقولك جوم ، هاتها من
ايدىها وتعالى معاها عشان عايزك

: قصدك ايه يا استاذ مين دى اللى هتقولى جوم
لما اقولها حر

: ايه يا عمى ، فيه ايه ده الحمار يفهمها يعنى مش
محتاجه ذكاوة

: انت بتتكلم ف ايه ، انت مجنون

: من غير انفعال يا عمى من سكات كده ادخل هاتها
، اصلك مش هتقدر تعمل اللى فى دماغك الوسخ

ده ، خليك ذوق وما تننططش على رزق بنتك

: بنتى ، انت كل كلامك ده عن كارولين بنتى

: على فكرة يا عمى انت من اعبى الناس اللى
قلبتهم فى عمرى

: انت عاوز تفهمنى ان كل كلامك اللى فات ده كان
على بنتى انا

: يا ساتر يا جدع ما توقفش حال بنتك انا لو طلعت
من هنا بنتك هتدمر واحتمال كبير تتشل او تنزلها

البواسير وهتبقى انت السبب واللىالى هتعمل ايه
فيها الليالى حيناً اكبر واكثر م الليالى

: يعنى اتأكد من كلامك انك تقصد كارولين بنتى ،
ضناى

: ياه ، ياه ، ده انت بلوة مسيحة ، مش قادر افهم
اللى انت فيه ده غباوة ولا مش مصدق الواقع

والدنيا مش سايعاك م الفرحة وبتدارى ، انت لو
بتدارى تبقى الحكاية دى وراثه ف عيلتكم ، انت

بتدارى وبنتك بتدارى وتلاقى المدام بتاعتك بتحب

تدارى برضه وتلاقى اغنيتمكم المفضلة : ولأمتى
هنخبى على بعض وندارى ومثلك المفضل دارى
على شمعتك تقيد وع العموم يا عمى قبل ما
تسالنى اسئلتك البايخة عن شغلى وفلوسى
هاقولك على حاجة واحدة بس، عارف مصنع ٥٦
الحربى ده بقا انا مأجره م الباطن من الحكومة
ومشغله انتاج سلك مواعين ، سعيدة يا عمى
استطيع انى امشى دلوقتى واسيبك تفكر
، وعلى غفلة ضرب النار اشتغل ، ام حبيبتى خارجة
من غرفة ابنتها ويدها مسدس تطلق منه ناحيتى
وناحية زوجها ولا اعلم لماذا ظن الرجل انها تقصده
معى بالضرب ، فسحب بندقية من تحت الكنبه
وعمل له ساتر واطلق هو الآخر النار ناحيتى وناحية
زوجته ، عيار منه ، على عيار منها اصبح الحال كما
الحرب .

ثم خرجت كارولين حبيبتى تحمل سنجة طويلة
مشرشرة كالسيف وتجرى نحوى قائلة : هاقتلك ،
لازم تموت

فقلت وانا اجرى امامها متفاديا الطلقات وحد
السنجة وتذكرت الجملة الرائعة التى تقول ومن
الحب ما قتل ، كل ده حب عندك يا كارولين ، طيبة
قوى البنت دى ومعطاة .

لكن بصراحة ولما انى وجدت ان ابو حبيبتى وامها
خطر على حياتى ، اجرى اتصالاتى مع اصحابى
وحبايى فى اسكوتلانديارد ليتولوا امرهما . وعندما
علم اصحابى فى الانتربول انى طلبت المساعدة
من بتوع اسكوتلانديارد زعلوا قوى وهددونى : مش
عيب يا حرجوم يا حول نبقى على وش الدنيا وتروح
لحد غيرنا تقولهم الحقونى ، الكلام ده لو حصل
تانى هتموت قتيل

، وعلى مدار كثير من الايام كان يأتهم استدعاءات
مرة من قسم شرطة اول مدينة لندن ومرة قسم
شرطة باريس وقد امضوا كما قيل لى وقت ممتع

مع المخبرين العالميين ووقعوا تعهدات هنا وهناك
بعدم التعرض لى وحدث انهما تعلما الادب . ولكنى
تساءلت وما ذنب كارولين حتى احرمها منى
وشعرت لوحدى كده ان غيابى عنها طال وانها لم
تعد تطيق وربما هى الآن تتمنى الموت لو ان بعادى
طال اكثر ولأننى عاطفى لم اتحمل ان اكون سبب
عذاب ومرار البنت ، قررت ان اتزوجها بقا مع انى
كنت خايف عليها ليحصل لها حاجة م السعادة ،دى
يمكن تموت فيها لو عرفت انى خلاص هاتجوزها .

ولما كنت اصعد السلالم اليهم كنت مبتهجا واقول
لى : يا بختها بيا مكتوبة لها ، صبرت ونالت يخرب
بيت ابوك يا د يا حرجوم ايه الحلاوة دى
الى ان وصلت لبابهم وما ان فتحو حتى انبهروا
وقال ابوها : خير يا استاذ حرجوم

: هو انتو هتلاحقوا ع الخير ، انا جاى اخذ عروستى

: عروستك مين

: تانى يا عمى

: يا ابنى طب نتفاهم ونتفق

، ويبدو ان مشاوير اسكوتلانديارد والانتربول نفعت
معاه ، فقلت : هنتفق على ايه ، بنتك انا جاى انقذها
من سهر الليالى والحرمان . العفش معايا تحت
والكنيسة عندها علم وابونا زمانه غسل الطقم
الاسود بتاعه والمعازيم اتعزموا ببقى فاضل ايه
تانى

: يا ابنى فاضل الشقة والشبكة وقبل ده كله اسأل
البنت

: الشقة مغيش شقة والشبكة هتيجى من انتاج
مصنعى ، عايز بكام عشرة ، عشرين الف ، هاديكم
سلك مواعين زى مانتو عايزين

: هتدينى ايه

: ده لحكمة يا عمى والحكمة دى بتقول لا تعطينى
سمكة ولكن علمنى اجيبها ازاي م الميه ، عشان
كده مش هاديك فلوس ، هاديك تجارة تحبب منها

فلوس ، تاخذ منى سلك مواعين تبعه وتلم فلوس
وان كان على رأى كارولين مش هتعرف تاخذ منها
رد لأنها هتكون مشبوحة م الجور والسرور نايكها
فقوم انت استحمى والبس لك حاجة نضيغة ولبس
المدام ويلا بينا ع الكنيسة نكلل ونخلص

: طيب يا ابنى والشقة

: مالکش دعوى

: هتعيشوا فين

: الحياة واسعة يا عمى

: هتخط عفشك اللى انت جايه فين

: اقولك هاحطه فين وما تزعلش

: يخرب بيتك وبيت الساعة اللى شغناك فيها

وفجأة ككل مرة وكأنى اجلس فى بيت الرعب ،
خرجت كارولين من غرفتها ، من كثرة العشق
والتفكير فى شعرها وقع ، الصلع ضرب دماغها
وبقت عاملة زى الكلبة اللى عضها جحش ، عينيها
حمرة قوى وبربورها سايل ترتجف وتحمل بيدها
جركن وصرخت قائلة : انا هاولع ف روحى . من
الواضح انها فهمت غلط ان ابوها رفضنى ومش
موافق على جوازنا ، ثم دلقت ما بالجركن على
راسها وكادت تنجح فى اشعال عود الكبريت ولكنى
جريت عليها كما الفارس واحتضنتها: ليه كده يا
كارولين يا حبى ، انا معاكى اهو ومش هاسيبك ابدا
، حبك معاكى ،هنتجوز خلاص وهابقى ملكك ومش
هتتجرمنى منى تانى ، ليه كده يا بطة .

جنت كارولين اكثر وهى تحاول بمنتهى العنف
التخلص من حضنى ربما لتأملنى وتشبع عيونها
منى ، عجيب هذا الحب ، طب خلصى نفسك م
البنزين اللى عليكى ده وبعدين بصى لى براحتك انا
مش هاطير وفلتت منى وتراجعت للحائط وهى
تنتحب ثم زهاوت ارضا .

صرخت امها وولولت وعمى - ابوها - سحب بندقيه
واطلق تجاهى النار قائلا : المرة دى مش هتفلت

فأصابنى بعيارين ف القلب تماما ، لقد كان صادق
فيما قاله انه ممن اذا وعدوا اوفوا ابن المتناكة ،
وكنت سا ستسلم للموت وآخر صريعا ولكن كرامتى
وصورة الفارس التى ستهتز جعلانى اتصنع الطناش
وكان الرصاص لم يقتلنى .

ونظرت لقاتلى وقلت كلمة اخيرة ولكنها مؤثرة جدا
لدرجة انى وانا باقولها عيطت: ذنب بنتك فى رقبتك
يا عمى يا ابو الاجرام ، ابقى تعالى شخ على
تربتى لو لقيت لها فارس احلام زى

ثم تحاملت على روحى بجذعة ليست غريبة عليا
وعند اخر درجات السلم ، اسلمت الروح الى يسوع
فى ملكوته وكان زكرى ف الدنيا سينتهى لولا ان
الروح عاودتنى مرة اخرى وزهزه قلبى من جديد
حين تذكرت قصيدتى الرائعة ، العظيمة ، القائلة :

عندما جاء المتخندقون

خلف الفندق

خدت ديلى ف اسنانى

وهرولت الى الفندق

وعندما جاء المتفندقون

داخل الفندق

انتبهز الفرصة

وقفزت داخل الخندق

ولكن

هل تفيد الهرولة

هل يكفى القفز

انى جرحوم فى حالة شك

ولماذا يمضى اتوبيس ٦٠١

دون ان اركبه

وليه ٦٠١ عربية واحدة

ع الخط

البس هذا من قبيل العك

وحيثما

اى عندما ، فى حين

جف المصرف الزراعى
واطفأت القافلة
انوار الناقات
وتعطلت التيوس
وركنوا قرب الفندق
تعلمت انذاك من تلاميذ السربون :
١- ان مغيث فايدة
٢- والليل طويل
٣- وخالك بايت
او لما قالت الحبيبة : قف عندك
تذكرت سعى البوليس الامريكاني ورائى
وايضا تذكرت
المعلقة الشعرية القائلة:
اوعى تكلمنى بابا جاي ورايا
ساعتها
أ - القيت زحاجة ماء النار التى كنت سأشوه وجهها
بها
ب - سقط من حجرى كيس التمر
ج - انفجرت علبة البيبسى كولا فى قبضتى بفعل
الحنان
د - تلفت خلفى مرعوبا فابوها ضخم الجثة ومفتري
واخيرا
وعند الشفق الكحلى
نجحت فى الفراق بصعوبة
ولم اجد لى مخبا
سوى الخندق
المجاور للفندق
تذكرت كم هو مؤسف ويضايق الخلق ان لا اجد
الوقت لأكمال ديوان وانه لا يجب ان اموت الآن .
فلنترك الشعر ولأسعى حتى يسمع الناس الجانى
فأن كنت سأكون عظيما فى الشعر ففى الألحان
لن اقل عن كونى مجيد ، رائع .

ولم تطل رحلة بحثى عن كلمات الحنن وعندما
وجدتها طرت بها الى المطربة الجميلة نجاة فهى
الوحيدة الصالحة لغناء هذا الكلام ورغم اننا اختلفنا
فى اللقاء الاول واعتضت على الكلمات وقالت انها
ستقضى عليها فنيا وانسانيا لو غنتها ولكنى لن
اتنازل ، فلحنى لن يصنع الانقلاب المنتظر الا بمثل
هذه الكلمات وبعدين انا شايف انها- نجاة - ما
عندهاش فن اختيار الكلمة وده من زمان وليس لها
فى الطيب والظاهر ان ضميرها وحش فمش قادرة
تشوف حلاوة الكلام ولا تحسها وبعدين مين غنى
قبل كده وقال : بطيخ بلبه يا وله
بطيخ بلبه
اربع فزايز كاكولا
للى بحبه
انها كلمات فارقة فى تاريخ الغنا ومع ذلك بعدم
بصيرة رفضت ان تسمع باقى الغنوة وطردتنى انا و
الشاعر .
ولكنها الليلة مش هتقدر تنطق . ولما ان تواجها
قلت بسماحة نية : مساء الخير يا مدام نجاة ارجو
ان ودانك تكون نصفت عن المرة اللى فاتت
فقالت من غير نفس فى محاولة لأفهامى انها
قرفانة منى : اهلا يا استاذ
: اهلا بيكى يا افندم وكان هيحصل ايه لو كنتى
غنيتى بطيخ بلبه يا وله ، كانوا بعد ما تموتى لما حد
يفتكرك هيقولوا نجاة ، عارفينها مش دى بتاعة
بطيخ بلبه وعيون القلب ولا تكذبى ، مش واخدة
بالك ليه من الجمال اللى ف كده تقدرى تفهمينى
يا هانم
نظرت لى وهى عاملة نفسها مش مصدقة اللى
بتسمعه وانها لولا اننا ضيوف كان هيكون هناك كلام
تانى وقالت: لو سمحت ما تشخس ف دماغى ،
انتهينا خلاص
: انتهينا ، انتهينا ، انتى اللى خسراة

: عندك حاجة جديدة ولا تقوم تروح
: أه طبعا ، اسمعى انا هاجنك الليلة دى ، خدى
بالك:
أه يا واد يا ولعة
خادها ونزل التربة
وانى نازلة بالطباق
وانى طالعة بالطباق حلف عليا بالطلاق
م انى نازلة التربة
: ايه رأيك يا ست ف المطلاع ده
: الله ، جميلة يا حرجوم ممكن تكمل
: وانى نازلة م السطوح
وانى طالعة ع السطوح
حلف عليا واد فتوح
م انى نازلة التربة
قالت نجاه : عظيم قوى ، مدهش كمل يا استاذ
: وانى طالعة تاتا تاتا
وانى نازلة تاتا تاتا
حلف عليا بالتلاتة
م انى نازلة التربة
وانى نازلة بالليمونة
وانى طالعة بالليمونة
حلف عليا ابن المجنونة
م انى نازلة التربة
أه يا واد يا ولعة
: مستحيل الجمال ده انا هاعنيها ارجوك اعمل عقد
فورا
واخذت تدندن مع نفسها : وانى نازلة بالليمونة
وانى طالعة بالليمونة حلف عليا ابن المجنونة
: شغتي حفظتها ازاى من حلاوتها
: من بكرة نسجل يا استاذ
: مش قلت لك يا هانم ، انا جاى عشان انتعك
واعمل منك حاجة

: انت عبقري يا استاذ حرجوم ، متشكرة قوى ع
الهدية دى
وبسبب السعادة ، خدت اصحابى معايا البيت الذى
بقى حلو ويتقعد فيه بعد ابويا ما مات وغار فى
ستين داهية وحدى دخل يضرب عشرة فى الحمام
ضرب تلاتة ولسه هيكمل ضربته السكتة القلبية ،
مات راخر وغار ف مصيبة وفضلت ماما ، ظريفة ماما
وان كانت تغيرت كثيرا بسبب انكشاح بابا م الدنيا.
كنت واصحابى نعيش احلى اوقاتنا ، سمعتهم
الاغانى الجديدة بتاعتى وسمعتهم ماما هذا: يا
حرجوم انت لسه قاعد جوه يا حرجوم
: ايوه يا ماما نامى انتى يا ماما
: بتعمل ايه يا حرجوم ف اليالى دى
: تصبى على خير يا ماما
: يا خول يا ابن الخسرانة ، طول عمرك خول يا
حرجوم يا ابنى
: عيب يا ماما معايا ضيوف
: بيعملوا لك ايه الضيوف اللى معاك يا حرجوم
: يا ماما ابوس ايدك بلاش فصايح الضيوف
سامعينك
: يحرقك ويحرق ضيوفك يا حرجوم ، فيه حرمة ف
البيت
: حاضر يا ماما بس نامى انتى
: يحضرهولك ما تدوقوه يا بعيد
: يا ماما عيب
: آخ منك انت يا قوى ده انت قوى يا حرجوم ،
يورينى فيك يوم لما تقعد وتكسح ف الرهريطة
: يا ماما كفاية
: تعجزش بعينك يا حرجوم واجرك انا ، مش بعيد
عليك يا يسوع اشوفه وهو حيطة مودياه وحيطة
جياه
: اموت روحى يا ماما عشان ترتاحى

: ازعط الخولات اللی معاك يا واد وبكفاياك ، خد منه
ما حلی يا حرجوم ، بیعملوا لك ایه جوه یا كلب
: اشق هدومی یا ماما ، فضحتینی
: شقها یا حرجوم م انت عینك قویه وفاجر شقها یا
ابو فلوس كتیر والعدرا اللی یدور علیك یلاقیك
شقیئها من زمان یا بتاع الرجاله یا مبعص
: یا ماما ارجوکی مش كده اصحابی یقولوا ایه
دلوقتی
: كس ام اصحابك یا حرجوم
ماما
: یهتكك یا حرجوم ، یجرسك یا ابنی ، یبتلیك بوجیعه
تصفی عضامك ، تتشل ف طیزك یا ابنی عشان
تقعد وتركح
: یا ماما حرام علیکی دول ناس محترمین
: آخ علیك یاللی تبقی واخذ وتقول محدتش ،
هتجیبهم منین المحترمین دول هوه فیه حمامه
بتمشی مع غراب
، فتدخل صدیقی الشاعر صاحب بطیخ بلبه وأه یا
واد یا ولعه : لمؤاخذه یا تانت احنا أسفین قوی
معلش ازعجنا حضرتك
: وایت لیه تدخل بینی و بین ابنی یا ابن المتناكه
: الله تانت ، مش معقول كده كل م حد یشوفنی
یقول لی ده هو ایه محدش اتناك ف البلد دی غیر
امی
، صمتت ماما لأول مرة ثم قالت : عندك حق یا ابنی
كلنا اتكننا ، تعالی
واخذته بالحضن وعم السلام والفرح وبکی صدیقی
وبكت امی وبكیت انا وباقی الشله فقد كان الوقف
مؤثرا وحزین ولذلك قلت لهم تعالوا ننزل نلعب
ماتش كره ف الشارع
وعندما كنت اللعب ، رأی مین وكان معدی صدفة ،
صالح سلیم ، نادانی وقد انبهر بلعبی ، ذهبت الیه :
نعم یا افندی

: اسمك ایه یا حبیبی
: حرجوم یا افندی
: بتلعب ف نوادی
: بلعب تحت بیتنا یا افندی
: لیه م بتلعبش ف النوادی
: كل م اجی ادخل ای نادى یطلعوا میتین امی یا
افندی ویطرودونی
: بتحب الكره یا حرجوم
: بحبها قوی یا افندی
: طب ایه رایك تیجی تلعب ف الاهلی عندنا
: جد یا افندی
: طبعاً
، وقررت ركن التلحین ف الكره الشهرة فیها اسرع
وفلوسها كتیر
: طب وحسام حسن یا افندی
: ماله
: مش هیسینی ف حالی
: وهو یعرفك
: لا یا افندی
: امال خایف منه لیه
: مش عارف یا افندی بس مش قادر اطمین یا افندی
، قلبی مقبوض یا افندی ، متوغوش یا افندی ،
عینی بترف یا افندی ، طب وهانفع ف اللعب یا
افندی
: یا ابنی اللی خلی حسام حسن هو النجم دلوقتی
یبقى ای حد هیعرف یلعب حتی لو كان من ذوی
العاهات او متبور الساقین،یعنی مفیض كوره ولا
فیه نیله،روح انت بس قول لأهلك وتعالالی النوادی.
: حاضر یا افندی
: یحضر لك الخیر یا حبیبی،لما تیجی قولهم علی
الباب أنا تبع الكابتین صالح.
: صالح مین یا افندی.
: صالح سلیم،انت مش عارفنی ولا إیه.

: لا عارفك يا كابتن بس باستعبط عليك.

وهذه كانت بداية طريقى إلى الملاعب، وحاولت من أول مباراة أن أتجنب شر الواد حسام خصوصاً بعد أن دخلت المنتخب بصفتى الكابتن، وحتى لا يحقد عليا حسام ويكرهنى قلت له:

اسمع يا حسام انت هتفضل مكانك زى الأول، هتقف عند الجون واحنا نشوط عليك الكورة تروح خابطة فيك وتدخل الشبكة، عادى خالص زى زمان بالضبط، ماشى.

: ماشى يا كابتن.

: يعنى يا سمسسم متفتكرش إن أنا عشان الكابتن هذلك واحطك فى دماغى وأطلع ملة الللى خلفوك، لا أنا مش كده، أنا انسان وطنى.

ثم للأسف اتضح انه واد خرج ، يا اما انا الللى رجلى طرشة ، لأنه كل كورة اشوطها عليه يقع ع الارض يرمى حوالى خمس عشر دقائق مغمى عليه ولما يعالجوه يرجع يقف وهو بيتهز ومش واقف على بعضه ، اشوط له كورة تانية الاقيه اتفرش ع الارض ، فضل يقوم ويقعد طول المباراة حتى انتهت بهزيمتنا رغم انها استمرت ٢٤ ساعة متواصلة ليس بسبب اغماءته فقط ولكن لأن الجمهور اصر على بقائى فى الملعب كل ما احاول اطلع يهتفون : ارجع يا حرجوم

فأرجع بناء على طلب الجماهير . هذا والمخفى حسام لسه بيتمرقع مرة يمسك بطنه ومرة يحط ايده على راسه ومرة بين رجليه حتى تدخل صالح سليم وقال لى : خف رجلك شوية يا حرجوم

وقال لحسام : احمد شويتين ، انشف كده واسترجل

وخفيت رجلى ، يتعدلش بقا لا بقا يقع لوحده . كان يوم اسود ومع ذلك طلبت الجماهير اذاعة المباراة تلت اربع مرات يوميا ولمدة سنة . فقد اعتبرها الجمهور والنقاد انها درس فى الصبر والتخلى بمكارم

الاخلاق . وكمان الناس احبت هلتنى فى الملعب ومنذها توالى عروض الاحتراف ، محلى فى جعوير وقلوبه وقلندول وعالميا فى البرازيل ومالطة والاسكيمو ز فى البداية رفضت ونزعة الرعرة جعلتنى ابقى فى البلد

لكن الواد حسام حطنى فى دماغه وبدأ يشتغلى فى الشغل الوسخ ، يعنى مرة لاقينه حاطط لى حنش فى الجزمة دخلت ايدى وسحبت الاخ التعبان وكان يتلوى محاولا الهرب ويقول لى بميوعة : سيبنى ، سيبنى . حسيت انه حنش خول بيتناك وقبل ما ارميه فى البكورت لقيت فى ديله ورقة مكتوب فيها : يا انا يا انت فى الملاعب يا حرجوم واسفل هذا التهديد توقيع الجبان حسام . لكلكت الورقة ورميتها .

ولكن برضه انا بنى آدم وللصبر حدود و ما يصحش مهما كان بيكرهنى انه يشخ لى فى الجزمة ، الحنش كان اهون من ان رجلى تطلع معكوكة خرا طب واحد زى ده اعمل معاه ايه انا ممكن اصيع مستقبله واكلم صحابى بتوع وزارة الزراعة يربطوه فى اى ساقية ولا يرشوه بالمبيدات ، بس ده مش اسلوبى . ووجدت الحل عندما اعادوا عليا عرض الاحتراف فى الاسكيمو بعقد مغرى ، فأشترطت عليهم اننى لن لعب ولن اضع قدمى فى الطائرة الا ومعايا عدوية. حسام حسن . فهذا خير حل لأتقى شره واكسر عينه بهذا الجميل ، وكان .

سافرنا الاسكيمو ولأنا هنعلم وسط الثلوج ، اعطونا زى الفريق وهو مكون من خمس فانات صوف لو نزلت بيهم بلدنا هاليسهم كيلوفرات وفوقهم بالطو بتاع اربعين كيلو وجزمة برقبة تصل لحد البيضان وكوفية صوف

بص لى الواد حسام وقال لى : هنعلم ازاى بالهدوم دى كلها

قلت له بصراحة : حسام اسمع احنا دلوقتى مش فى بلدنا هتتعلقنا فيها هيروحونا ، فخليك جدد وشوف الرحالة بتعمل ايه واعمل زيهم .

لبسنا الهدوم يوم الماتش الاولانى ونزلنا الملعب ، بنتحرك بالعافية ، البرد هناك يا لهوى ، درجة البرودة كانت ٢٥٠ تحت الصفر والدرجة دى كانت عندهم يعنى الدنيا حر وانهم فى عز الصيف ز واكتشفت ان كل اللى احنا لابسينه ده الزى الصيفى يعنى كل ده النص كم بتاعهم يا مصيبتى لما الشتا تهل . ولكن الخديعة حلوة فغنيت : الدنيا ربيع والجو بديع

وفى الملعب الواد حسام اول كرة وصلت لرحله خدها وطلع يجرى ، انا افكرته رايح بيها ع الجون لكن لقيته عدى الجون وعمال يجرى لحد ما طلع بره الملعب والعيال بتوع الاسكيمو بيندهوا عليه وهو طالع يجرى . انا افكرته اتجنن ولا مش شايف الجون ، ندهت عليه : يا واد يا حسام ، انت ياله مردش وساب الكرة وطلع يجرى فجريت وراه : انت يا معمى ف قلبك رايح فىن ، اقف يا جدد فرد: مش قادر يا حرجوم

: مش قادر ليه

: بردان يا حرجوم ، هاموت م البرد دى حته تجيبنا فيها يابن الوسخة

: يا جدد عيب عليك ادور وارجع بلاش فضايح ف الغربة

: لو وقفت هانشف م البرد

، فعرق التضحية نقح عليا وافكرت غنوة عبد الوهاب : ضحيت هنايا فداه . فخلعت البالطو الاربعين كيلو واديتهمولو ولو ان الجو تحسن يعنى درجة الحرارة علت شوية ويقت ٣٢٠ تحت الصفر كان الواحد بسبب عرق التضحية والفداء مات م البرد . لكن الاحساس بالمسئولية وسمعة البلد اعطونى قوة تحمل بنت ستين كلب

، المهم ، مباراة فى مباراة احلوت معنا وبقينا احنا الاشهر ومن هنا بدأت الغيرة اشتغل الحقد . كل لعبة الاسكيمو زعلانة ازاى اتنين غرب زينا يلعلعوا كده فى الملاعب . كبيرة برضه وجامدة شوية . وبدأت الحرب الباردة والساخنة ، اللعيب منهم يطلع فى الصحافة ولا فى التلفزيون ويسألوه عنا ، يقولهم حرجوم وحسام حسن ما هم الا جواسيس لمخابرات تشاد .

والخبر ده غاظنى قوى فمن اين سمعوا فى الاسكيمو عن تشاد ، اللى خلانى انا ما سمعتش عن تشاد من سنين كتيرة من ساعة ماهاجمها الكفحتجى الشرموط معمر القذافى وهل فى تشاد دى مخابرات اصلا عشان تشغلنا جواسيس عندها ، وقالت احدى الصحف المختصة فى الحوادث : حسام حسن وشريكه حرجوم يستوليان على خزينة بنك الائتمان الزراعى فى احدى قرى الاسكيمو . والتلفزيون نازل شتيمة فينا والدنيا مقلوبة علينا وانا وحسام مش قادرين نرد عليهم م احنا ف بلدهم حتى وصل بهم الامر الى آخره ولغموا الملعب ب ١٥٠٠ صباع ديناميت ، شوف وصلوا لحد فىن فى الاجرام ، هيضحوا بالناس والملعب عشان يخلصوا منا .

لكن ستر الرب كان كبير الالغام لما كانت محطوبة تحت الجليد التماسيح فكرتها شيكولاتة وبونبون ، واحد منهم دنى شوية قرقرش له صباع فانفجر فيه وبعتره ، انهار الجليد وطلع من تحته مئات التماسيح ، يا خبر اسود انا بقيت واقف استغفر الرب اول بأول والواد حسام هجم عليه بتاع ١٢ تمساح ، شفت انا المنظر ده عرق الشهامة والجدعة نقح عليا ، ابن بلدى ومش هاسيه لتماسيح بلاد بره ، ده مستحيل طبعا . رحت سايب التمساح اللى كان فى ايدى وجريت ع الواد حسام امسك تمساح فى كفى الشمال وتمساح فى كفى اليمين واطفشهم

فى بعض ،دم التماسيح بقا للركب ،تماسيح
مكسره ،تماسيح دماغها مفتوحه ،تماسيح مغمى
عليها ،تماسيح تنن وتجنس وتماسيح ميتة. كانت
مجزره ،آخر تمساح كان حوالين الواد حسام احترت
فيه تعبنى شويه ،خدت انا بقا انى اطقش ده فى
ده ،الفردانى ده اعمل فيه ايه

انا لسه بافكر اعمل فيه ايه راح رازعنى بالروسية
ابن اللبوه اتغطت انا قوى رحت شايه وناقضه. فى
الارض ، اشيل وانقض لحد ما قطع النفس وهو
بيقول لى :معلش يا حرجوم بيه انا عندى عيال
،عشان خاطر ربنا ارجوك يا سيد الرحاله دى كانت
وزة شيطان ،سامحنى . صعب عليا سبتة. كل ده
والواد حسام واقف بيتفرج ،ع العموم كل واحد
بيعمل باصله ولما اليوم الاسود ده خلص قلت له :
احنا مالناش عيش فى البلد دى تانى،انا مش
هالعب كرة تانى اصلا انا ماشى .

وفى المطار فوجئت بحاله نكد شديده ، مش حزن
عادى . مشيت الى الطائرة وانا هافطس ما
الاكتئاب والاحباط ،دخلت الطائرة ، رايح ع الكرسي
بتاعى وقبل ان اجلس وحدثه فى وجهى مطرب
الارامل واليتامى ، حانوتى الغناء العربى هانى
شاكى ، رانى ، اشار لى ، سعيت اليه ، ازيك يا
هانى انت ليك عندى حنة غنوة هتدمر معنويات
جمهورك وتزيدهم طفلة وشندلة ،أؤكد لك انهم
هيشيلوا الطين على دماغهم اول ما يسمعوها

: الله عليك يا استاذ قول انت جاي فى وقتك تمام
الناس لسه عايشين فى جو السعادة والاعباد
عايزين نفوقهم ونعرفهم ان الدنيا غدارة وملهاش
امان والمتغطى بيها عريان

: اسمع يا سيدى :

وحدى والخراب

من غير ونيس

وحدى والجراح

زى الدبابيس
فينك يا حانوتى الحب
فينك يا دافن القلب
ومقفل ترب الهوى
يا سعادتى ف الضلمة
والليل طويل
يا مصيبتى لو الفرح
يبقى هو الدليل
ونحذف بعض بالنوى
الحزن طالع من حنة الرهريط
ويا حبي اخرة الزمر طيط
وبوزى بسببك اتلوى
ووحدى والخراب
وحدى والخراب .

الغنوة دى انا كنت ناوى اقولها لما ربنا يتوفى حد
م المعارف كنت هاجامل بيها فى اى موة .

، كان هانى ما زال يدندن بالغنوة لما وصلنا . خرجنا
من المطار ، كان هناك فى انتظار هانى واحد ، اول
ما شافنى ، حط ايده على كتفى وقال لى: انت
شكلك حديد وتنفع

: فى ايه

: سينما انا منتج وشايف انك انت اللى انا عايزه ،

المهم عندك وقت نطرقع لنا فيلم ع السريع

: مفيش اى مانع ده انا حتى حاسس انى ممثل من
فترة

: تعلالى بكرة ننقى سناريو

: وليه انا عندى سيناريو جميل جدا

: حلو ع الآخر متجيب بوسة

: لأ انا بطلت ،رجالة لأ

وقابلته تانى يوم وطلب منى ان اقرأ له السيناريو ،

فما كان لادى مانع

: البطل : حنيكة بتاع البيض

المشهد الاول : حنيكة يبدو جالسا على قصرية الشخاخ

المؤثرات الخارجية : عاصفة آتية من عند ولاد المتناكة الخلايجة مليانة رمل ابن ٩٠٠ حزمة المكان: هو حنيكة كان كما وصفنا قاعد فى البلكونة البلكونة: متقفلة بالخشب

اللى حصل : ان العاصفة طيرت الخشب اللى محاطو بالكونة

والنتيجة : اصبح البطل حنيكة معرضا لأعين الجيران حنيكة : مخدش باله ان الخشب طار وبقا منه لعيون الناس

وهذا ليه : لأنه كان مندمجا فى عملية التبرز ويعافر مع امعائه المتمسكة بحزمة الخراء الالابدة فى بطنه ويحذق حنيكة غير مهتم وان علم بعواصف او خشب طائر او الناس اللى بتتفرج عليه

مؤثرات داخلية وخارجية : بخار الكعل يتصاعد وينتشر صانعا بخار ماء كثيف ومع الامساك الذى يعانى منه بطلنا حنيكة والذى تسبب فى طول فترة التبرز . نتيجة لده وبفعل الرياح والاعاصير واصطدامها ببخار الماء الذى اصبح سحابة صغيرة فوق رأس حنيكة ،فأمطرت السحابة وهلل الجيران للمعجزة .

عقدة السيناريو : أن الجيران برغم اعتبارهم وتقديرهم للمعجزة إلا أن رؤيتهم لشكل القطع المتساقطة ببطء من بطن حنيكة ،متماسكة،صلبة،ناشفة،أدى هذا بهم إلى جعلهم دون وعى أو اتفاق يهتفون بشكل غير منظم،بص شوف أبو شخة حديد بيعمل إيه.

تصاعد الأحداث : تبدل الاسم القديم لبطلنا وأصبح ابو شخة حديد ولقبه بين الجيران أبو شخة جه،أبو شخة راج،وتتجلى هنا قدر معاناة البطل مع اسمه الجديد وما طرأ عليه نفسياً واجتماعياً لرفضه

العنيف للاسم وتدهور معنوياته أمام إصرار الجيران وخاصة العيال الصغيرة على هذا الاسم.

النهاية : رحل البطل إلى بلاد يحترمون حرية التبرز. ،المنتج لحقته بالعافية فى آخر لحظة،كان هيدب السكينة فى قلبه م الإعجاب والانبهار،وحلف بالطلاق لنبدأ التصوير فى نفس الليلة،وأعلن عن الفيلم للصحافة،فكتبت الصحافة-الفيلم الذى سيكون كارثة على فنانى مصر وفناناتها لانه سيكشف زيف ما يقدمون من فن سطحي،لا يمس جوهر البنى آدميين فى البلد دى.

والحظ دائماً ما يعاند هذه المشاريع الضخمة،فاختلف المخرج والمنتج معى على اسم الفيلم،والمنتج الحمار عايز يسميه-هتيكة تحت السلم- وقال المخرج وأصر المتخلف ان الاسم الذى يصلح ما هو إلا-حرسة فوق السطوح-

ولأن السيناريو ليس به سلم ولا سطوح،ده غير ان كلمتى -هتيكة وحرسة-غير مفهومتان بالنسبة للجماهير و النقاد وتقريباً هى ألفاظ سوقية لا تصدر إلا عن الحوش واللمامة،لذلك انتهينا الى تسميته بالاسم الذى اخترته انا وهو اسم يراعى وجهة نظر العاملين فى الفيلم وهو : يعنى كان لازم فى البلكونة م الحمامات مالية الدنيا.

وتناقلت وكالات الأنباء العالمية اسم الفيلم بشئ أشبه بالجنون المهوش،وتنبؤ بتغيير مسار ومصير السينما عند ظهور هذا الفيلم للجماهير.

وكما هى العادة،تربص بى الأوغاد،حاربنى الجميع،وفى النهاية قاموا بتهديدى :

اتلم يا حرجوم واقعد على جنب ومالكش دعوى

بالسينما.

عدوك ابن كارك نور الشريف

معالى زايد قالت لى :

وحياة أمك لو ما قصرت الشر ولميت الدور لأفرج

عليك خلق الله أحيه هو ما يقاش غيرك انت كمان

حتى الفنان العظيم محمود ياسين الذى وصل
لل قمة لدرجة انهم هيعملوا شهر من الشهور
باسمه، شهر أكتوبر طبعاً وهيبقى ترتيب الشهور
كده أغسطس - سبتمبر - محمود ياسين - نوفمبر
كده يعنى، وفى مقولة أخرى انهم سيضيفون اسم
الشهر إلى اسمه فيصبح محمود أكتوبر فيقال فى
تقديم أفلامه ، نقضى السهرة الآن مع الفيلم العربى
بدور بطولة نجلاء فتحى ومحمود أكتوبر ، ومع كل ده
واللى واصل له ، باعت يقولى :

بسم الله الرحمن الرحيم

أنا لن أعطيك فرصة يا زعيم يا ابن الوغد لتدميري
وتحطيم السينما، أنا لك بالمرصاد وإن اقتضى الأمر
سأعلن عليك الحرب الأكتوبرية مرة أخرى وأقسم
بأيمانات المسلمين اننا لو التقينا يا حقير فسيكون
ثالثا الشيطان فاحذر منى كل الحذر ولتحف على
روحك.

أخوك بؤيس السينما المصريةمحمود
ياسين

ليه كده يا عم محمود، مش عارف، مش قادر
استوعب، اسيب لكم البلد يعنى ولا على إيه أسيب
السينما أحسن، مادام عم محمود زعلان، وأنا أصلاً
بحبه ومقدرش على زعله وإذا كان حب السينما
هيزعلنا من بعض، يبقى يلعن دين أم السينما على
دين أم اللى هيزعلنا من بعض.

ماشى يا عم محمود ولا تقهر نفسك، أنا أصلاً عندي
السكة اللى هلاقى نفسى فيها، هى كانت عايزة
دراسة للقانون، لكن مش مهم، فإن كنت لن أكون
محامياً، فالعرض الحالى محام أيضاً ويكفينى انى
أفهم فى العدل وهذا ما ساعدنى فى انقاذ ذلك
البغل الذى جائنى مع ابن عمه فى أول أيامى
كعرض الحالى فى هذه الدنيا.

وذلك البغل لم أطلق عليه هذا اللقب إفترا وشددان
حيل ولكن لأن أى حد يواجه لا يملك إلا أن يعلن أو
يضمّر فى نفسه أن هذا الذى أمامه بغل.

وهو كذلك ليس لقرب الملامح بينه وبين البغل ولكن
كما يوحى منظر اى مخبر امن دولة بأنه مش هيطلع
بره كونه من المعدودين شيوخ منسر، وكذلك
هذا، انها مسألة احساس وعندما تكلم انفشخت من
الغرور، فهذا بغل ابن بغل وكان يقول لابن عمه: بس
(بص) ياد ات (انت) الموضوع دوه (ده) لو كبر لانا
ولا ات هنسد فيه انا اما اقولك اهو الموضوع دوه لو
كبر لا انا ولا ات هنسد فيه.

فرد عليه : متخفشى يا جدع ده حقك ولازم تفضل
وراه لما تاخده ، تعالى

وسحبه ناحيتى : سلام عليكم يا استاذ

: سعيدة يا اخويا اى خدمة

: احنا قاصدينك فى مصيبة

: خير

رد البغل : يا بيه المدير بتاعى قاللى مش ناقصاك
والكلمة دى لو وصلت البلد عندنا الموضوع دوه
هيكبر والموضوع دوه لو كبر لا انا ولا انت هنسد فيه

: وهتشتكيه لمين

: للراجل الكبير بتاع النيابة ده اللى اسمه زى

القطاع العام ، الاتوبيس العام

: قصدك النائب العام

: ايوه هو ده

وهنا تأكدت اننى قريباً جداً سأجعل الزملاء

العرض الحالى يلعبون على الجسر وسيتوالى

انقراضهم: تعالى اقعد جنبى واحكى لى ، الاول

اسمك ايه

: اسأل بسيونى وهو يقولك

ثم حكى دون ان افهم منه شيئاً سوى ان الموضوع

لو كبر مش هنلاقى حد يسد فيه فاضطريت اقوم

بالليلة كلها :

سيادة النائب العام . اما المهم فالصدمة فوق الاحتمال والامر يا افندم مش قادر اسكت عليه وانا مواطن ذو انفة يعنى ما اقرفش من حاجة ونفسى حلوة واكل اى حاجة ما اقولش لع ،وده لو سعادتك بتفهم يعنى انى ممكن اتحمل اى شئ فى الدنيا الا ان بنى آدم يقول كلمة كده ولا كده عن سيادة القائد والمعلم والزعيم ، قائد المسيرة بطل الحرب والسلام وكمال الاجسام الهرم الرابع السيد الرئيس - حسنى كبارى - اديله الصحة يا رب . ان اى كلمة عنه يا سيادة النائب بتوجع ضميرى ، تغلقنى بالليل وتسد نفسى عن الاكل شوف لحد قد ايه . فلما يجى حنة مدير عام معفن يبص لصورة ابونا الرئيس بصة مش هى ويقوللى لما بلاقينى واقف اتأمل ف تقاطيع عظمتة غور كده انا مش ناقصك فكده الموضوع يبقى كبر وعيب الموضوع ده انه لو كبر لا انا ولا احنا كلنا هنسد فيه واللى ضايقنى قوى يا بيه يا عام انى ما قدرتش اعرف هو كان نقاصنى انا ولا استغفر الله يارب كان قاصد ابن البلد البار الرئيس الفخم ، ده اللى قلقل نومى وحياة اغلى حاجة عندى - زبرى - انا ما نكت من ساعتها مش عارف يا بيه مش مطاوعنى وكأنه زبرى متضايق لجل الرئيس ولما وجدت الامر وصل مع ذلك المدير لدرجة انه يسخر من البيه الرئيس ويقول بقلة ادب انه مغيث ف البلد غير تلت اهرامات بس وان روحى مش قادر استحمل اكثر من كده والموضوع هيكبر والموضوع دوه لو كبر محدش هيسد فيه ، فابوس ايدك يا نائب انقذونى من اجل سمعة مصر وليبيا وباب عدن ومضيق هرمز ، من اجل ان تحلو الليالى ، من اجل ان اسكت ومن اجل ان احوش عنكم اهلى، فلو عرفوا انى اتبهدلت وما خدتش حقى وبعث كرامتى وكرامتهم من اجل الوظيفة ومن اجل السيد الرئيس - يا اختى عليه - هيقولولى

: كس امك على كس ام الوظيفة على كس ام السيد الرئيس. من اجل الا يقولوا هذا ويخبوا خيبة امهاتهم ارجوكم الانصاف . اسأل بسيونى وهو يقولك . وبعد يومين فقط فوجئت بعشر عربيات سودة وست بوكسات شرطة وفى لمح البصر لم اعد ارى مبنى المحكمة لقد سدوا عين الشمس وانا فى مقعدى ما تحركتش الى ان وقف امامى احدهم : تسمح تتفضل معنا : وانا بقا قاعد فاضى مستنى واحد زيك قحف يقولى تعالى اروح معاه : يا افندم حضرتك لازم تتفضل معنا : لازم والله حلو ، طب وارادتى الحرة اوديتها فىن وليه تحط العقدة فى المنشار ولما اقل عقلى واعتبر انك قاصد تتحكم فىا واحلف م انا قايم ، يبقى خدت ايه من قنعتك ، طب مش قايم ، عايز ايه : آسف جدا يا افندم ، ما اقصدش طبعاً وبعد اذنك لازم تتفضل معنا : شفت الادب حلو ازاي ، لازم فى حياتك كده تبقى مؤدب ، اتفضل فىن بقا : سيادة النائب العام فى انتظارك ، حيات فرحتى والثقة ملائتى ولكنى قلت : وهو ماجاش معاكم ليه متحنى ، طب مش جاى : يا افندم لو حضرتك ما اتفضلتش معنا هتخرب بيتى وبيت الناس دى كلها وهنقعد ف بيوتنا : لعلمك قعدة البيت حلوة : يرضيك يا افندم نتأذى بسبك : يرضينى قوى وصدقنى هابقى مبسوط ومطمئن : يا افندم ارجوك كده عيشنا هيتقطع : ابقى لزقه بامير فذهب يتشاور مع رجاله ثم عاد وهم معه ووقفوا امامى دموعهم نازلة وفى نفس واحد قالوا : عشان خاطر النبى يا بيه تقوم معنا

: النبى انا مسيحي يا زبالة انت وهو

، انا الغلطان لماذا اعلمتهم انى مسيحي قدير ، لقد استخلفونى بمن لا استطيع المقاوحة فيه ونهنه بعضهم وهذا وجع قلبى ونقح عليا عرق الحنية والطيبة والتعاطف مع ولاد الكلبة الغير ، تلت عروق نقحوا عليا فقامت معهم .

دخلت على النائب العام وخذانى عزة الروح . رحب بى بعنف ، خدنى بالحضن وكان هيفنى م الفرحة وقال : عظيمة قوى الشكوى اللى بعثها لى يا حرجوم

: انا عارف

: اليومين الجايين يا حرجوم فى غاية الاهمية ، هندخل فى مرحلة جديدة ومحتاجين كل النزهاء امثالك ، انت بتكتب كلام مقنع وده المطلوب ، انت عارف طبعا ان مشروع الخصخصة بدأناه من فترة ومعظم الزيت القطاع العام تم بيعه ، المصانع والمؤسسات والشركات ، هذه الحاجات الخفيفة الصغيرة . وهندخل بقا فى العمليات الحقيقية واللى هى اصلا هدفنا م الاول ، هندخل فى عمليات بيع الحاجات الكبيرة ، العملاقة ، قناة السويس ، السد العالى ، الأهرامات ، النيل ، الأقصر ، سينا ، معابد اسوان ، الجيش ، العمليات اللى تستاهل ، مش مصنع اسمنت اسيوط ولا بيع المصنوعات وباتا لأ احنا خلاص عدينا التوافه دى ، بس هى الناس اول عقبة ، عايزينك تهيب الناس لتقبل هذه العمليات ، تفهمهم ان البيع لمصلحتهم ، ان الحاجات دى هى مصدر الخطورة الحقيقى على امنهم ومستقبلهم وطول عمرها جايية لنا الكلام والحروب ، فلما تتباع الأعداء هيرتاحوا ، مش كانوا بيحربونا شوية ويحتلونا شوية عشان الحاجات دى ، طيب ادينا هنبعها لهم وياخدوها من غير حرب لأ وكمان يا حرجوم هناخد منهم فلوس يعنى هنقرطس الاعداء وف الاخر الحاجات دى ما هى

قاعدة ف البلد يعنى هما هيشيلوا النيل ويطلعوه بره ولا هينقلوا الاهرامات ، كله هيفضل ف مكانه . المهم بقا الموتورين ، الخونة ، الفقيرين اللى واقفين ، ماشيين مغيث على لسانهم غير فلوس البيع راحت فين ، ما عايزين يعرفوا فلوس عمر افندى راحت فين ما يسألوا عمر افندى .

معايا يا حرجوم ، وما تقلقش الموضوع مش هيطول احنا هنفاجأ المواطنين ونحاول نبيع ونلم الفلوسات بسرعة ونهاجر م البلد دى ، نشوف مستقبلنا بقا . وعلى فكرة انت مش لوحذك يا حرجوم انت وراك كل المؤسسات الصحفية وراك الرئيس شخصا وخذ بالك الرئيس تهمة قوى السرعة لأنه مرتبط بمواعيد لازم يسبب فيها البلد قبل الكلاب المواطنين ما ينتبهوا ان البلد اتباعت ، فاهمنى .

: يا افندم انا تحت أمر المرحلة ، كلنا خدامين المرحلة.

.. وخرجت من عنده كنت هاكفر واتشاهد زى المسلمين.

وقررت انى أغير حياتى، ألحق أتهنى بالبلد دى قبل ما تضع ومتبقاش.

فصلتلى ٤ كلونات ألوان، شمريت كم من أكامام القميص وتركت الآخر مفروود، قصيت شعري قصة عماد حمدي، خلقت الشعر اللى تحت سرتى كابوريا، مشيت فى شوارع الرب

تجاهى قادمة بنت حلوة ، كل ما تقرب تحلو أكثر.

عيني جت فى عينها، فيه حاجة حصلت لى، مش عارفها، لكنها سكعتنى بكف عينها على قفا قلبى. نظرتة، استغزنتنى، عدتتى بخطوتين، بدون تفكير جريت وراها والغضب متملكا منى والعصية حارقة دمتى.

وقفت قدامها ثانية واحدة وفى الثانية التى جاءت بعدها، قمت بالتف فى وشها تفة فكرتتى بأيام ما كانت تفتى ممكن تسقى نصف فدان وافتكرت أيام

ما استغل عمى هذا فى حين ما حل الجفاف وكان عنده عشرين فدان قصب، طلب منى اسقيهم، فضلت اتف، إلى أن ارتوت الأرض وأغمى على ساعتها ولما فقت اكتشفت ان ربقى نشف. وهنا مع هذه البنت كانت التفة أيضاً قوية، أغرقت وجهها ولما بدأت تمسحها لترانى طلعت أجرى من قدامها وبعد كيلو متر اكتشفت انها بتجرى ورايا، لو مسكتنى هتدبحنى أصل التفة ما كانتش لوحدها كان معاها تنخيمة بلغم قديمة، فما كان إلا أن واصلت الجرى.

بنت الايه قلعت حزمته ولسه بتجرى ورايا، نطيت فى اتوبيس، نطت ورايا، نزلت، نزلت ورايا، نص ساعة بنجرى ورا بعض، طلعت كبارى نزلت أنفاق عديت حوارى وشوارع وميادين كثيرة وهى لسه ورايا، عدت كمان ساعتين، بتقرب كثير انها تحصلنى، مندمجة فى الجرى وكأنها وجدت نفسها فيه، وأنا بدأت أنعب، عدينا مدينة نصر ومسكنا طريق السويس الصحراوى، عند اخره قمت بمناورة مفاجئة وقفت وغيّرت اتجاهى، عدتنى هى، اخذتها المفاجأة فلم تستطع التوقف، رجعت، خلص طريق السويس الصحراوى دخلت مدينة نصر، سبع ساعات أخريات مضوا، هى أيضاً خلفى، البت نفسها طويل، أنا متأكد انها ممكن تسبقنى أو على الأقل تحصلنى، لكنها مصرة تبوط أعصابى وتفضل ورايا، شايفانى ومش شايفها.

وصلنا وسط البلد، يلعن دين أمها بقا، رحت واقف ودخلت قهوة، دخلت ورايا لا يبدو عليها انها مشته دقايق على بعض، كانت التفة ما زال جزء كبير منها على وجهها، بصت لى ولسه هتقرب منى، فكرة ان هواها هيبقى لامسنى وانى ممكن يغمى عليا لو شعرة منها هفت حواليا، وأصلاً أنا مش عارف هى بتقرب ليه، فانتزعت عينى من عينيها، اتناولت كرسى متين من كراسى القهوة ورفعته فوق

دماغى ونزلت بيه على دماغها، ما قالتش حاجة خالص، وقعت على الأرض، دمها سايح ومغيش وعى.

الدنيا اتقلبت والشرطة وصلت، الضابط بص لى وقال: انت اللى عملت فيها كده.

ما ردتش عليه قال لى : تسلم ايدك، اتفضل روح مع السلامة، مغيش مشاكل.

لكنى لم ابتعد، راقبت الشرطة حتى أوصلوها منزلها لأعرف فى ساكنة واستنيت شوية لما رحلوا، فقامت بتقص شخصية الدكتور اللى جاي بعالجها.

ادخلونى غرفتها، كانت ممددة فوق السرير وعلى يمينها أبوها وعلى شمالها أمها، لسه مغمى عليها، قمت بفحصها ثم قلت لأبوها

: انت أبوها

: أيوه يا دكتور أنا أبوها.

فنظرت له باحتقار مع نظرة معينة كدة تخليه يحس بقلة قيمته وهوانه على الناس وقلت

: مش عارف تحمى بنتك ليه

: للأسف يا دكتور أنا ما كنتش معاها ومعرفش مين اللى عمل كده فيها.

: ما كنتش، ماشفتش، فالح بس كل ما حد يقولك انت مين، تتمطع وتقول، أنا أبوها، أنا أبوها، فرحان قوى بالحكاية دى ولا اللى طالع له زبر زيادة جاتك ستين نيلة.

بص لى بذهول ومذعور برضه وقال وكأن احد أوصل الفيشة

: إيه ده يا دكتور، إيه الكلام ده، عيب كده.

: آخرس ولا كلمة، انت اللى زيك فى البلاد الديمقراطية، بلاد بره عارف بيعملوا فيه إيه، عارفة يا مدام جوزك لو فى بلد تانى كانوا هيعملوا فيه إيه.

فتساءلت أمها: إيه يا دكتور.

: كانوا ناكوه يا هانم، اشكروا الله كثيراً قوى انكم
مش فى بلد ديمقراطى.

فتساءل أبوها : بأمانة، صح الكلام ده.

وتدخلت أمها

: أرجوك يا دكتور لو سمحت شوف البنت، حضرتك
جاي تفرح جوزى ولا جاي تعالجها؟

: أنا جاي أعالجها طبعاً، بس ليه يا هانم سايبة بنتك
تبرطع فى خلق الله كده ومين ابن الصرمة اللى
علمها الجرى؟

ف قالت لزوجها

: إيه ده يا مرقص، إيه الدكتور قليل الأدب ده؟

ف قلت وكأنى لم أسمع

: بصى يا هانم، بنتك علاجها مش عند حد
غيرى، اللى عندها ده مش مجرد اللى انت
شايفاه، تبقى حمارة لو كنتى فاهمة كده، المسألة
أكبر ومالهاش غير حل واحد، سألتينى إيه
هو؟.. شوفى البية جوز حضرتك، المسمى
أبوها، هيحط لباسه فى طيزه وينزل يجرى، يجب
لى ديل كلب ميكونش عدى على جامع فى حياته
أبداً.

ف قال زوجها نفس الحاجة اللى كانت أمها هتقولها

: انت بتقول إيه؟ انت دكتور انت! يعنى إيه ديل كلب

ما عداش على جامع، ده أجيبه مين، انت بتخرف.

: اهدى يا أستاذ ومتبهدلش روحك وخدها منى
نصيحة متحاولش تتكلم فى علم انت مالكش فيه

وهسالك سؤال بسيط قوى، انت دكتور؟

: لا.

: انت عدت من قدام مستشفيات قد ما أنا عدت؟

: معرفش.

: انت كنت ممرض قبل كده؟

: لا.

: كنت مريض؟

: لا.

: امال بتشرمط ليه وتقول كلام كبير عليك، زمع ذلك
ولأنى أحسن منك وم اللى خلفوك وهكون كريم
معاك ومع بنتك وهذلك على كلب أنا عارفه هو
الوحيد فى المنطقة دى اللى عمره ما فات على
جامع.

: بس إزاي يا دكتور دى البلد كلها جوامع، إزاي
إتوجد الكلب ده؟

: بص يا افندى، الكلاب زينا، وزى ما فيه كلاب
مسلمة، فيه كلاب مسيحية ويهودية ودول طبعاً ما
بيعدوش على جوامع، فهمت.

: طب وهو فين الكلب ده.

: انزل حضرتك تحت، قدام باب العمارة هتلاقى
كلب، انت هتفتكره فيل، بس الحقيقة هو كلب
كبير، ضخمة، أسود، ساكت وهادى وكل أسنانه
متقلعة، يعنى متخافش منه، انت بس متخليهوش
يشوف السكينة اللى هتقطع بيها ديله، ولازم تحط
إيدك على بقه، عشان ميزعفش ويلم عليك
الكلاب، وبضربة واحدة، خد بالك لازم تكون ضربة
واحدة تطير بيها ديله وبعدين الباقي سهل، اتفضل
وياريت تاخذ المدام معاك.

: وأخذ المدام ليه؟

: عشان لازمى استغفر ببيتك.

: يعنى إيه تستغفر بيها، انت بتتكلم إزاي؟

: يعنى عشان أعالجها نفسياً الأول، بنتك يا باشا
منحلة نفسياً.

: وهو انت دكتور نفسانى.

: طبعاً

: إزاي، انت تخصصك إيه بالضبط؟

: أنا، أمراض باطنة، عقلية وجنايات.

: آه كده الواحد يطمئن.

: اتفضل بقا غور.

: وغار أبوها فى ستين داهية وانكشحت أمها معاه.

قربت منها محاولاً إفاقتها، هزيتها شمال
ويمين، رفعت دماغها المربطة بالشاش
والقطن، شممتها ريحة رجلى، فاقت وفاقت قوى لما
سمعت صوت أبوها يبجعّر م الألم وامها بتلطم
وتزعق على جوزها اللى الكلب كل دراعه .
سألتنى : فيه ايه

فقلت : الراحل اللى يخلف بنت زيك ساحرة اقل
حاجة ان كلب ياكل دراعه

، بصت لى ، عينها فشختنى ، اتجننت وقلت :
لعلمك مش انا مش هتقدرى ومش هيحصل
ولم اجد قريبا منى الا مقص تناولته ودبيته ف بطنها
. نطيت م البلكونة وحررت ، المفترية نطت ورايا ،
الغيظ قالىبنى هى البنت دى ما يتموتش ليه مع ان
المقص فايت ف بطنها وبرضه بتجرى زى العدائين
الكبار ولا كان فيها حاجة

، قربنا من اسكندرية فرملت مرة واحدة ورجعت
تانى دخلت رمسيس ومنها على وسط البلد وهى
لسه ورايا ، لغفتها فى الدهاليز، تهت منها . اول مرة
ابص ورايا ف اليومين اللى فاتوا و ما القهاش
بحث عن فندق لأنام ، ولما دخلت احدهم وحدثها
فى وجهى جالسة فى البهو ، الدم ضرب ف دماغى
وعرق الغضب نقح عليا ، طلعت جرى الى واحد
صاحبى عنده معرض دبابات ، خدت منه واحدة
ورجعت ع الفندق ضربته صاروخين ولسه هاضرب
ظهر لى عسكري سألنى عن الرخص ، فقلت له:
مغيش رخص

قال : وماله بكرة يبقى لها يعنى هى هتفضل طول
عمرها من غير رخص ، طريق السلامة ، الف
سلامة

الفندق اصبح كله على الارض ضربته صاروخين
تانيين زيادة اطمئنان وتنهدت ورسمت الصليب
وشكرت يسوع ف سمائه

، لسه هارجع بضرى شفتها معدية ، يا بنت الكلب
طرت وراها بالدابة كل ما تدخل مكان اطريقه على
دماغها ودماغ اللى فيه وبرضه تطلع سليمة ، نص
القاهرة ادمر بسببها ف الليلة الطين دى .

خرجت من الدابة ولعت سيجارة قبل اول نفس م
يدخل صدرى وحدثها تشاور لتاكسى عايزة تهرب
الكلبة ، اطلقت رجلى ف الريح وحصلتها قبل ما
تخط رجلها ف التاكس ، وقفت تبص لى ثانية ،
قلبتنى وعدلتنى ولكنى صمدت وبصيت لها وقلت :
وكمان بتركبى تاكسيات

واخرجت الطبنجة وفرغت فيها ٦٥ طلقة وما
حستش بنفسى الا وسواق التاكسى ماسك ف
رقبتى وبيطالبنى بتمن قزاز العربية اللى اندشده
وكان كل الرصاص لم يصيبها فقط اغمى عليها مع
انى واد قناص ابن لبوة ، نحيت السواق جانباً
وطبقت فى زمرة رقبتها : وكمان رقيقة زى النسمة
ده ايه ده ، ايه الافترا ده

ووصلت قوات الامن وتقدم منى اللواء الكبير وقال :
ليه كده يا ابنى

: معلش انا آسف بس هى اللى استغزنتنى
: آسف ايه بس مش تاخذ بالك وتخليك كويس
واخرج من جيبه ٦ لمونات وكيس نعناع اخضر
وسيجارتين حشيش وقال لى : طب خد دول وروق
دمك . ثم سحب قواته الامنية وانصرف
خلا الشارع الا منى ومنها واقفين نبص لبعض
فقلت لها بعد ما لملمتنى : بصى انا بحبك
تتجوزينى

قالت : ده انا اللى بحبك
: ايه ده انتى ازاى تقوليللى بحبك كده ببساطة ،
انتى طايفتك ايه اوعى تكونى مش ارتوذكسية
: طبعا ارتوذكسية
: البجاجة وانتى بتقولى لى بحبك ترشحك انك
تكونى بورتستانية او كاثوليكية او حتى مسلمة

: انا بس مشاعري غلبتني لكن مسلمين وكاثوليك
ايه القرف ده

وتدبرنا أمور الزواج، ولم يكن هناك أى صعوبة إلا فى
موضوع مقابلة أبوها وأمها عشان أطلبها
للزواج، فبعد دراعه اللي خطفه منه الكلب، لو
عرفنى هيقتلنى ولكن لورانس تحاليت على هذا
ونجحت فى أن أظل خافياً عنه، مجهولاً عنده إنى
الدكتور إياه.

وفى ليلة الدخلة، مديت إيدى عشان أقفل باب
الشقة، ووجدتها تنظر لى باحتقار وفى عينيها دعر
وقالت لى

: افتح الباب لو سمحت، طول ما انت هنا فى الشقة
معايا ، الباب ميتقفلش علينا أبداً، ماشى يا
حرجوم، واضح كلامى.

قلت وأنا فاكرها بتهزر

: آمال هينام والباب مفتوح يا لورانس واللى طالع
واللى نازل بيص علينا؟

: يعنى إيه؟

: يعنى هناخد حريتنا إزاي مع بعض؟

: حرية إيه انت عايز إيه بالضبط.

: عايز إيه! انت أمك مفهمتكيش حاجة؟

: ماما قالت لى يا لورانس حرصى ولا تخونى.

: من مين يا حبيبتى منى أنا

: مش انت بالتحديد، بس انت أول حد.

: بقولك إيه كفاية هزار وتعالى ورينى إيه اللى فى
صدرك ده.

: لأ ، اسمع لما أقولك، أنا أطبخ لك، أمسح لك، أغسل
لك هودومك، لكن قلة أدب لأ.

: يا ست دى مش قلة أدب، دانتي مراتى.

: متحاولش، لا انت ولا مليون زيك.

: لو انى أعرف إن الأيام هتعمل فىا كده ، كنت
اتصرف من زمان

: يا بنت الناس.

: اخرس ومتحاولش تكلمنى فى الموضوع الوسخ
ده تانى ، هو انت فاكرنى واحدة من إياهم.

: إياهم مين يا ستى.

: من بتوع الزبر والكس ، اصحى يا بابا.

: انتى باين عليكى هيلة.

: ولا بأمارة إيه تغوته فىا ، طب تعرف والعدرا
والإنجيل لو حصل ده ، تانى يوم أعمل عملية وأركب
واحد- زبر - زيك وأرزعك بدل المرة عشرة ، يعنى
كل مرة تدسوا فىا هادسوا فىك عشر مرات ،
محدث أحسن من حد.

: ومين قالك ان هسيبك تعملى كده

: ها وهو انا هاغلب عندى اللى ينيك ، انزل الهرم
اجيبك كل يوم ألف واحد من بتوع الخليج حريفة
رجالة يروقوك

: ها وانتى مش عارفة ان دول بيقوا فى الصيف بس
ومغيش عرب فى الشتا يعنى هاستغرد بيكى طول
الشتا

: بقولك ايه يا حرجوم الكلب انت ، عشان نقضى
حياتنا حلو مغيش معنديش وم الاخر اقطعه احسن
مش هتعرف تعمل بيه حاجة

: انا هاجيب لك العرض ابوكى والملدع امك

: ولو جيت لى مين مش هتتاك ، مش هتتاك ابويا
وامى لو عايزين يتناكوا هما

: وذهبت وعدت بهما ، دحلنا ولما اردت ان اقفل باب
الشقة ، ابوها قام ماسكنى من دراعى بدراعه
اللى باقية وهبدنى ع الكرسي وامها بصت لى من
فوق لتحت وبصفت على الارض وقال ابوها : اوعى
تفكر تعمل حاجة زى دى تانى ، انت مجنون ولا
بتستهيل ، انت عايز تقفل الباب على بنتى وانت
معاها فى مكان واحد

: ايه يا عمى هى مش مراتى

: وهو انت فاكرا عشان جوزتها لك هتستعبط وتحاول
تقفشها

: امال انا متجوزها ليه

: انت يا افندى متجوز بنتى عشان تناسبني مش

عشان تضيع شرفها

قالت لورانس : شفت يا بابا العذاب اللي انا فيه

وقالت امها : يا واطى

وقال ابوها : اسمع يا ابني احنا ناس فقرا وسرنا

هادى لا بنيك حد ولا حد بينكنا عاجبك على كده ولا

ناخد بنتنا ونمشي

، ولاد الكلب عايزين يضحكوا عليا ولم افكر طويلا

وقررت ان الحال يعجبني . وطولة البال طريقة

ومسيري هافتحها .

لكن للأسف بعد سنين من الهجوم المتوالى ومن

كل الجهات معرفتش اعمل معاها كتير سوى ان

سربت لها مكونات طفل بمحاولات فى منتهى

الخطورة ، ذات هجوم وحداني ناجح . ومنذ ان

اخرجته لورانس منها قررت اني مليش اى دعوى

بيه ، اطلاقا يطلع زى ما يطلع ويعمل اللي هو عايزه

، يروح يبجي مليش اى شأن ، مش مشكلتي اى

حاجة خاصة بيه ولكنهم لم يحترموا قرارى وعندما

اختفى ذات يوم جأتني امه تولول وتعلن ان ابنها

ضاع واضطرت للخروج بحثا عنه بعد ان اخذت

صورته لأنى مش فاكر شكله .

تجرباتي دلتنى انه اخر مرة شوهد كان على ناصية

الشارع الرئيسى واقفا ووجهه نحو الشرق ويده

فطيرة بالعسل المفجوع ابن المفجوعة ولكن من

هنا امسكت بالخيط الذى سيدلني عليه ، وقفت

مطرح ما كان واقف وبحث عن نقط العسل التي

تساقطت من الفطيرة ومشيت وراها ، فضلت

ماشى ، ماشى الى ان وجدتنى فى السويس ،

لغيت فيها شوية فوجدت الواد ابني قاعد على غرزة

بيشد ف حجر معسل ملغم ، انتظرته الى ان قضى

على الحجر عيل كلب وامه كلبة .

اوصلته لأمه ونزلت ، ركبت المترو ، بجواري وقفت

نتاية طرية ضغطت زبرى بوركها فرجعت رجلى لورا

وزف بسن الحزمة ف سمانتها زعقت وكان كسها

وقع منها ، بصت لى ، تكتم غيظ شديد وبعين كلها

الا ربع مقفول الما ، قالت : حد ابن لبوة خبطنى ف

رجلى عجزنى

فركعت وضغطت بشغافى طويلا على سمانة

رجلها فتململت ولانت وكادت تنفرط مبعثرة على

الارض ، رفعت لها عيني وقلت : ايه رأيك نروح

عندى وانا ابوسلك حنة اهم من رجلك

: بس بشرط انت اللي تيجى معايا

وصلنا بيتها ، سعدنا للدور العلوى ، دخلت غرفة وانا

ورائها ، فتحت شباك يطل على حوش كبير . فى

حين كنت اتحسس زبرى والاعب بيضانى ، فكيت

السوستة فانفرد مندفعاً ، متدفقا من فتحة

البنطلون واصطدم بالارض لكونه كان مضغوطة

ومكوما فوق بعضه زى الحنش ، رأسه كانت

هتشلب دم من قوة الخبطة واللى اثر فيه اكثر انها

وهى بترجع بضرها داست علي راسه فزعقت انا

عنه فهو اخرس كل تعاملاته بالاشارة والتلامس،

مسكين ، حظه قليل ف الدنيا يا اما مخنوق ورا

السوسته يا اما الناس دايسة عليه .

وكانها ما عملتش حاجة قالت : بص انت عايز تنكنى

طبعا انا موافقة بس على شرط

وهى تشاور : شايف الرجاله اللي قعدين تحت دول

، دول ٤٥ انا هالاعبك كوتشينة لو غلبتنى هسيبك

تعمل فيا اللي انت عايزه للصيح ومش هأخذ منك

ولا مليم ، لكن لو انا اللي غلبتك الرجاله دول هما

اللى هينكوك ، ماشى

، قلت وانا أتأمل ازار الرجال العرينين : كلهم ، ال٤٥

: ايوه

: وهو معقول هسيبوكى انتى ويبصوا لى انا

: ايوه اصل دول فلول قوم لوط وملهومش ف النسوان

، لم اصدقها واعتبرتها تكذب لتعطى الموضوع اثاره اكثر ولأنى التحدى من اهم صفاتى ، قلت لها : ماشى موافق

لعينا ومع انى لعيب شرس قبل ما تعدى ساعة من اللعب كانت الفورة خلصت واتغلبت ورقم واحد ف الـ ٤ داخل عليا وزيره محنيط ومن خلفه طابور ممتد وكلهم محنيطين ، انه مقدر ومكتوب وهاعمل ايه مادام طلعت حريفة بنت الكلب ...، ايه ده ، ايه اللى مكتوب ده

اغلق الملف وفى عز العصية ضغط على الجرس الذى امامه . دخل اليه العسكرى المرباط فبادره ورباح الغضب والثورة هابة فى جهازه العصبى وقال: هات لى الحيوان اللى اسمه مشمش حالا لف العسكرى ليخرج وقبل ان يخطو خطوته الاخيرة ليتحقق له الخروج ، امره الصوت الصادر من ضابطه فعاود الاقتراب منه ، فلم يتعدى ما بينهما سوى نصف خطوة ، فتح العسكرى فمه فأرسل فيه الضابط بصقة ملغمة بالبلغم الاسود ، ثم لف وخرج. جلس الضابط يتوعد ذلك المشمش وينعته بالغباء والحمورية وانه سيكون السبب فى ضياعه .

ولما طرق الباب وفتح دخل اليه رجلا من اولئك الذين كانت الرضعة المقدمة اليهم فى عصر الطفولة مكونة من الفتة ، واجه ضابطه وقال بصوت من له علاقة قديمة بالنذالة والخسة : امرك يا باشا قال الضابط بعد ان فتشه تفتيشا ذاتيا : ايه اللى مكتوب ف التقرير ده يا مشمش

: التحريات يا افندم

: ٣٠٠٠ صفحة تحريات يا مشمش بيه وبعدين انا يا

حمار قلت لك روح هات لى تقرير عن مين

: عن عيل معفص كده مش فاكر اسمه

: كويس والتقرير اللى قدامى ده بقا عن مين

: عن ابوه يا افندم الفنان الشامل حرجوم

: وانا طلبت تقرير عن ابوه

: لا

: حلو ، امال عملت التقرير عن ابوه ليه

: ما هو عيب يا باشا لما راجل حلو زى كده يعمل

تقرير عن عيل لمؤاخذه زبرى اطول منه

: هاج الضابط وكان برتبة عقيد فأحس من شدة

الغضب انه عاد لرتبة ملازم : يا حيوان ، يا متخلف ،

انا مش قلت لك ان الموضوع ده مهم جدا ولازم

تجيب لى تقرير حقيقى

: انا بصراحة قابلت ابوه عجبنى وقلت انا لما اعمل

التقرير عن ابوه كأنى عملته عن الواد ، وده عيل ما

كملش عشر سنين ، يعنى كنت هاتفضح ف الجهاز

يا افندم

: ولما كان العقيد مصابا بداء الضغط فما كانت هناك

مؤامرة لتفادى ارتفاعه ، فهب واقفا وامسك بتلابيب

مشمش ونادى على العسكرى وأمره : سلمه

للرائد كمال وقوله العقيد بيتر عايزك تحدف الحيوان

ده ف معتقل الواحات ويتعامل معاملة اوسخ من

الكتاب والسياسيين

صرخ مشمش : ابوس ايدك بلاش تودينى مع الناس

دول

قال العقيد للعسكرى : غور بيه وابعت لى العميد

جرحس

، خرجا ، وبعد قليل دخل العميد جرحس فتقدم منه

بيتر وفتشه بدقة ثم امره بالجلوس : احكى لى ايه

اللى حصل يوم حادثة البطيركية اللى اتقتل فيها

البابا

: كان يوم اسود مع انه كان يوم تاريخى لأنه اول

مرة رئيس الجمهورية يخطب فى الشعب

المسيحى بس مغيث مسلمين وكانت البطيركية

فيها حوالى مليون مواطن ومليون من عندنا من

امن الدولة ومن الحرس الجمهورى والمخابرات

والقوات الخاصة ، على اساس ان يبقى كل مواطن له واحد امن واقف على دماغه .

وقبل ما يوصل الرئيس كنا فتشنا الجميع محدش دخل ومعاه حتى الهوا ، قلعنا الرحالة الكرافات والجزم لأن زى ما سيادتك عارف الحاجات دى ممكن تبقى اسلحة ، يعنى ممكن واحد يخلع كرفنته ويخنيق بيها الرئيس او يضربه بيوز الجزمة بين رحليه يضيعه ويضيعنا والستات قلعناهم المجوهرات والباروكات لأن ممكن واحدة ترغل عين الرئيس ولا تخبي قبلة تحت الباروكة ولا حتى سكيته ، ونبهنا عليهم انه ممنوع تماما ولأى سبب م الاسباب مهما كان ان حد يحط ايده ف جيبه ولو حصل ينضرب بالنار فوراً .

وصل الرئيس واستقبله قداسة البابا وكان فرحان جدا انه نجح فى اقناع الرئيس بقبول دعوته للبطريركية .وبدا الرئيس يتكلم ، البابا فجأة عطس وكان واضح ان عنده زكام شديد فمد الراحل ايده ف جيبه عشان يطلع منديل ينف فيه لقيت ضرب النار اشتغل وحسم البابا اتخرم م الرصاص ، محدش عرف يعمل حجة وكانت هتكون مجزرة لولا ان الرئيس كان هرب بين رجالاته وخرج من البطريركية بخير نشكر الله . ده اللى حصل يا افندم .

: وتفتكر يا جرحس بينى وبينك يعنى ان الحكاية دى صدفة ولا متدبرة

:ما هى لو متدبرة يبقى احنا اللى دبرناها ، هى اكيد صدفة

:يعنى اللى حصل ده مش مؤامرة من الرئاسة للتخلص من البابا

: لأ مستحيل ، ايه المصلحة يعنى ،مغيش ، ولكنه بيتر كان يعلم بوجود المصلحة ويعلم حقيقة ما جرى فى البطريركية وهذا منذ ان استدعى فى سرية تامة لمقابلة الرئيس بعد الحادثة مباشرة .

ولماذهب وقلعوه وبهدلوه وا شبعوه تصوير قبل الدخول على الرئيس ، كان ممثنا للنهاية الى الرئيس عندما امره بالجلوس قائلا : مغيش مشاكل اقعد انا متواضع وابسط خلق الله انت ما سمعتش اوبريت اخترناه ولا ايه . انا ما تفرقش معايا ان واحد م الشعب يقعد معايا

: متشكر يا افندم

: شفت يا بيتر اللى حصل ف البطريركية ، انت زعلت ع البابا بتاعكم

: احنا يا افندم كنا خايفين على سيادتك ومش مهم اى حد ثانى ولو كان البابا

: م هو ما كانش معقول يا بيتر اسبيه يبرطع ف البلد زى ما هو عايز واسكت ، هتقولى انه كان مجرد سلطة دينية وملوش علاقة بالسياسة ، هقولك لأ ده كان بيتدخل فى السياسة مش كان بيستغل سلطته عليكم انتم يا مسيحيين وبمنعكم من زيارة اسرائيل ، ماله هو ومال اسرائيل ما انا شخصيا بروح اسرائيل ووحشتها ايه اسرائيل تقدر تقولى مش عارف احنا امتى هنبطل عنترية ونعصب وشوية يطلع يقول الاقباط مضطهدين طب وماله يا اخى م الفلاحين طردناهم م الارض والعمال طردتهم م المصانع وبعث المصانع والطلبة اهم عاملين زى الحمير اللى ف الساقية وبتوع الثقافة خليتهم ياكلوا ف بعض وبتوع القضية الفلسطينية محضر لهم حنة دين ضربة انا اتفقت مع اخوانى الزعماء والملوك العرب ان حل هذه القضية هو ضرب الفلسطينيين ضربة ماحقة واعلان الحرب عليهم احنا سكتنا لهم كثير لكن صداعهم طول ومش عايزين يسيبوا اشقاتنا الصهاينة ف حالهم ،ده غير ان مغيش من وراهم مصلحة ، فهنهجم قريب ونغضى عليهم تماما خللى المنطقة تيرطع ف السلام، وبعد كل ده يجى البابا بتاعكم ويقوللى اضطهاد وهو احسن من مين يعنى ف البلد .

وبعدين يقعد على حيله شوية ويقوم عليا
المسيحيين اللي ف المهجر وخصوصا اللي ف
امريكا عشان يضغطوا عليا ويعمل نفسه ملوش
دعوى ويهاجمهم ف الصحافة طب برضيك انه
يستغفلى ويلبسنى العمة ، عيب ده صح يا بتر .

: طبعا ده عيب قوى

: ولحد امتى كنت هسيبه ينافسنى ويعمل روحه
رئيس وانا عايش على وش الدنيا وتبقا البلد فيها
رئيسين ويبقى فيه كذا مليون بره سيطرتى
ويعتبروا كلمتى رقم اثنين بعد كلمة البابا بتاعكم ده
. ده انا سمعتى يا بتر يا ابنى بقت زى الزفت بين
رؤساء الدول ببسخرها منى ، لما بيان يطلع من
الرياسة ، العيال السفرا والمراسلين الاجانب
يضحكوا ويقولوا لبعض يا ترى البيان ده طالع من
انهى رياسة اللي ف مصر الجديدة ولا اللي ف
العباسية ، حاجة يعنى تحرق الدم ، طب احنا يوم م
اتقتل وغار ف داهية مش منبهين محدش يدخل
ايده ف جيبه نهائى لكنه اعتبر ان الكلام ده ما
يمشيش عليه غرور ، واهو راج وريح ، ودلوقتى انا
عايزك تساعدنى .

: أومرنى يا زعيم

: انا عاوز البابا الجديد طوع ومهاود ببسمع الكلام
وما يعملش فيها بتاع مبادئ

: طب ازاي يا افندم حضرتك عارف ان دى مسألة
فى منتهى الخصوصية والسرية ومستحيل حد
يدخل فيها

: امال انت شغلتك ايه مش انك تخترق كل ده ،
خلصنى م الموضوع ده وانا هاخلصك من رئيس
الجهاز ، مديرك وانت تقعد مكانه

: تمام يا افندم

: استنى قبل ما تمشى عايز منك حاجة

: اوامر

: امبارح وانا نايم مغمض عين ومفتح الثانية ، الا
انى حلمت وجانى المرحوم الشهيد انور السادات
وقال لى : يا حسنى انا قاصدك ف طلب تجيبه
معاك وانت جاي . قلت له أومر يا ريس . ضحك
وقاللى ريس ده انت اللي ريس يا اخويا ، المهم
تحاول تيجى بدرى لأحسن لو اتأخرت هتيجى مش
هتلاقينى . فقلت : ازاي يا زعيم يعنى انت سيادتك
هتروح فين ده انت فى الجنة ونعيمها مش برضه
سيادتك ف ركن الشهدا . قاللى : ايوه يا حسنى ،
بس فين ، ما هى الجنة دى عاملة زى الارض فيها
درجات واللى تحت مش زى اللي فوق

: حتى الجنة يا ريس فيها الكلام ده

: امال يا حسنى يا ابنى امال انت فاكر ايه وفيها
وسايط ومحسوبة و كوسة

: يعنى اللي بنعمله ف الناس هيطلع علينا

: انا لما وصلت عرفت وفهمت واتبهذلت

: ازاي

: لما حصل والكلاب قتلونى ساعة ما جريت انت
واتلححت تحت الكراسى ف المنصة فاكر ، سحبونى
الملايكة ع السما والظاهر الأوامر الالهية ما كانتش
وصلتهم فاعتمدوا على كلام الكتاب رجالاتى . انيس
منصور وثروت اباطة وابراهيم سعدة ومصطفى
امين وربيعة محمد خالد . اللي قالوا انى شهيد
فخدونى ودخلونى الحنة اللي فيها سيدنا الحسين
وباقى الاخوة الشهدا الكبار اللي معاه واوفاجئ يا
حسنى ان سيدنا الحسين اتنرفز واتعصب وقام
اشتكى لربنا وقال للملايكة لو هتفعدوه هنا انا
هامشى واسيب المكان ده والملايكة مش
هيشترونى ويبيعوا الحسين فسحبونى ونزلنا
لدرجة الثانية عند اولادى شهداء الحروب
٧٢و٦٧و٤٨ وحروب زمان من اول غزوة بدر ، فأول ما
شافونى هاللى عليهم قاموا ف نفس واحد وتغوا
على وشى وزنقونى انا والملايكة وكانوا هيطحنونا

وطردونا بره المكان وهم يهتفون : اللهم لا نسألك
رد القضاء ولكن نسألك اللطف فيه . فانسحبنا من
جديد ونزلنا للدرجة الثالثة عند الاخوة الشهداء غلط
يعنى اللى ماتوا عارقانين ولا فى حوادث الطرق
، واول ما لمحونى اتنفضوا من قعدتهم وف نفس
واحد قالوا : لأ كفاية ، حرام ، يارب احنا موتنا غلط
وما كنش لازمنا موت ساعتها بس ماشى ، عادى
مش هنعترض لكن فى الآخر تبعنا لنا انور السادات
لأ ده كثير : اللهم ارفع مقتك وغضبك عنا يارب . ده
النار ارحم يارب ودينا جهنم احسن م الذل ده وجه
واحد منهم وقف قدامى وقاللى : انا فرمنى قطر
ودماغى اتبعترت واتغرزت فى قرص حلة ، وده رضا
قوى فاهمنى يا انور ، لكن هتقعد لى هنا واتمسي
واتصبح بيك كل يوم واحنا هنا فى الابدية لأ ، لأ يارب
ما يرضيكش ده يا كريم يا رحيم وقعد بيكى . دموع
الملايكة نزلت والافندى ارتاح لما سحبونى لتحت
وهم مشحونين ضدى ومعاملتهم بقت صعبة
ويزقونى ويشتمونى ، فضلنا نازلين ، نازلين كل ما
ننزل درجة الاقى واحد طلع بص وبسرعة يدخل
تانى ويرزع الباب فى وشنا ، الملايكة قالولى ليلتك
سودة ، الى ان وصلنا لحنة مزفلطة ، مزحلقة اللى
يمشى فيها وهو مش عينيه وسط راسه يطب فى
جهنم عدل ، حنة محدوفة ، قريبة من النار وقالوا لى
الملايكة هنا هتلاقى امثالك من الشهدا وسبونى
ومشيوا ، اتمشيت شوية ، لقيت مين بينده عليا ،
واحد من اعز الحبايب صديقى الشهيد اسحق راين
خدنا بعض بالحضن وقاللى هنا كل الحبايب الاخ
الشهيد الملك عبدالله بتاع الاردن الاخ الشهيد كليبر
والاخ يوليوس قيصر ، يعنى الواحد يا حسنى معاه
شلة بنت حرام ، نقصاك والله يا حسنى ، بس ما
تقلقش انت جاي جاي المهم وانت جاي اوعى
تنسى تجيب لنا معاك زيارة كام باكو معسل تفاح ،
عايزين نجرب الحاجات الجديدة دى زهقنا م القص

والسلوم وابقى اسأل لنا معسل التفاح ينفع يتحط
عليه حشيش ولاهيكرف ، بس يا ريت بسرعة يا
حسنى عشان تلاقينى فى العنوان ده

: طب وان ما لقتكش هتكون فى
: اصل انا معرض فى اى لحظة اتزحلق واطب فى
جهنم ولا حد ابن متناكة يزيحنى وكده كده انا
هامشى من هنا لأنى سمعت ان الولد خالد
الأسلامبولى فى المنطقة اللى حوالينا فيه ناس من
اللى بيكرهونى وفرحوا فى موتى قالوا عنه انه
شهيد زى جمال الغيطانى فضل الملايكة وجابوه
على هنا بس لسه ما اتقابلناش ، فعايز امشى قبل
ما نتقابل ماهو مغيث مكان يشيل القاتل والقاتل
مع بعض ولو كان فى الجنة
: بس ازاى يا ريس تبقى انت شهيد وهو برضه
شهيد

: سيدنا الحسين قالها حكمة : لما انور السادات
شهيد امال انا ابقى ايه ، المهم انا هسيبك دلوقتى
عشان معاد الشلة بس اوعى تنسى الحاجات
، فهمت يا بيتر انا عايز منك ايه .

وعد الرئيس انه فى اقل من اى ساعة هتكون
المخازن مليانة كراتين معسل تفاح ، وقام ليرحل .
فرح فى البداية بالمنصب الموعود به ثم انتقل الى
التخطيط وتدلّى بره راحة البال وسقط فى الدهايز
المعتمة الطويلة للخطط والمؤمرات واستنزل
اللاعيب من ارفف الدماغ حتى توصل الى الخطة
التي هى :

١- عمل تحريات وجمع معلومات عن الرهبان

الثلاثة المرشحين لمنصب البابا

٢- اختيار طفل لم يبلغ والدفع به ليكون هو من

يقع عليه القرعة لاختيار البابا

٣- اختيار احد المرشحين للبابوية وتجنيد

، وبدأ التنفيذ عندما ارسل مشمش لجمع التحريات
عن الطفل مع علمه المسبق ان مشمش هذا من

اوسخ مخبرى الوطن وكانت نتيجة استسهاه ان
جائه مشمش بكل شئ عن آخر غير المطلوب .

وتنبه من الشرود والتذكر لما الباب انطرق وكان
ذلك المخبر المكلف بجمع التحريات عن الراهب
الذى رشحته التقارير الأولية ليكون هو الهدف وهذا
المخبر من حملة لقب مخبر تفصيل ويعنى ان المخبر
طوله مثل عرضه وانه عند رؤيته من بعيد او من
قريب لا يستطيع المواطن العادى ان يعرف هل هو
مقدما عليه او هو مبتعدا عنه بمعنى ابسط وشه
زى قفاه والمخبر التفصيل تعنى ايضا انه من
مروجى المثل القائل امشى عدل يحتر عدوك فيك
وهذا المثل اخترعه المخبر الاول ، الجد العظيم
للمخبرين والاب الروحى لهم ، فمنتهى حلم اى به
مخبر ان يمشى كل المواطنين عدل حتى تسهل
مراقبتهم .

وما ان دخل حتى بادره العقيد بيتر بتساؤل ليس به
اى شئ من الغرابة : عملت ايه يا حموكشة
: ها وهل ما كلفتنى به يحتاج الى مثل هذا السؤال
الفج

بيتر لم ينظر له ولا سب له الدين ولا قام على حيله
وصفحه فخبرته الطويلة علمته الا يقاوح مع مخبر
قليل الادب لانه دائما ما يكون مسنودا ومدسوسا
من الرتب الكبيرة وربما كان احد هؤلاء الكبار
شخصيا وينتحل دور المخبر ليراقب او ليتسلى او
حتى لا يؤخذ غدرا فيسعى ليعلم بنفسه ما يجرى
من حوله ، لذا لم يفعل سوى ان قال : طيب طمنى
وصلت لحد فين

فقال حموكشة: وهل من رد تنتظره لهذا السؤال
الغيبى ، ان انا جاوبتك سأساويك ف الغباء او ربما
تجاوزتك بمقدار بوضة او بوضة ونصف وقلت لك انى
وصلت الى مكتبك

، مسكين هو العقيد بيتر يتحمل الكثير ورغم انه
سيسيطر على اعصابه وحتى النهاية مهما تجرأ

عليه حموكشة الا انه يستغزه بتلك اللهجة
الفصحى التى يصر على التحدث بها ، قاوم حتى لا
يسأله عن السر ولكنه فشل : الا قولى يا حموكشة
انت ليه بتتكلم بالفصحى

: يا محترم ابعد عن قلة العقل ، لكل مخبر طريقته
وهذا فى اوله وفى اخره ليس من شأنك ، ثم ان
الفصحى هى لغة الدولة ، هل لا تعجبك الدولة
، تأكدت وساوس بيتر وشكوكه حول هذا
الحموكشة فطلب من نفسه التراجع وتغيير مجرى
الحديث : انت اتأخرت عليا بالتقرير

: ها وهل الامر بهذه البساطة لينتهى سريرا كما
تأمل

: وهو ايه المشكلة انك تعمل تقرير عن راهب
عايش ف الصحرا

: وهل ما طلبته منى عن هذا الراهب كان سهلا

: طبعا سهل انا كل اللى عايزه اعرف بيفكر ازاى

: وكيف كنت سأتيك بما تطلب

: كيف كنت ستأتينى ، انت غيبى بقا ، آسف قصدى
يعنى دى مسألة بالنسبة لمخبر سرى زيك مسألة
هايفة

: بالله عليك كيف فليست مسيحيا لأستطيع دخول
الدير ولست ساحرا انا لست الا عبدا من عباده
المخبرين السريين

: يعنى المهمة فشلت

: ها هذا من ضمن المستحيلات والاشياء الخرافية ،
لا يا سيد لست انا هذا الرجل الذى يعود من مهمة
وعندما يسأل هل المهمة فشلت فيجب كالحائب
البائس التعس : فشلت يا افندم . لا ايها القائمقام
المجيد

، واستدار حموكشة واتجه نحو الباب فتحه وسحب
من خارجه زكبية كبيرة وضحك حموكشة بالفصحى
وقال : ألم تكن تريد معرفة كيف يفكر ذلك الراهب

اليك حوالى ١٢٥٠ كتاب اقرئهم جيدا ويتمعن تعرف
ما اردت وتقف على حقيقة تفكيره

: ١٢٥٠ كتاب يا حموكشة

: لقد قمت بسرقتهم على مراحل تقريبا سبع
مراحل وهذا ما دعانى للتأخر

: انت عابزنى اقرا كل ده ، ده كل كتاب قد الداهية

: اصغرهم ٦١١ صفحة من القطع المتوسط واكبرهم

: ٧٥٢٠ صفحة من القطع الكبير اننى دقيق جدا فى

عملى

: طب ما قرئهمش انت ليه وقتلتى ع اللى فيهم

: يا سيد يا اخ يا محترم لا تجننى انت من تريد

المعرفة وليس انا ، انا لا يعينى مطلقا ما يوجد فى

عقول الرهبان ، فهل انصرف الآن فخورا بعملى وما

انجزت

: اتفضل يا اخويا

، ولم يرحموه ولم يتركوه ليهدأ ويريح اعصابه وانما

اخبره العسكرى ان المخبر شكرى بحه وصل

ويطلب الدخول ولما كان شكرى هو ثانى المكلفين

بعملية الراهب فقد استبشر خيرا وعوضا فأذن له

ثم عندما نفذ الاذن سأله : احكى يا بحه عملت ايه

: يا بيه كله تمام احنا ما اتعلمناش منك قليل يا بيه

: بالتفصيل وقوللى

: رحى هناك وعملت روحى صحفى رايح اعمل

تحقيق عن الدير وليست لبس الصحافة واشترت

كشكول ١٠٠ ورقة وقلم فرنساوى احمر ، قابلنى

الجدع اللى سيادتك عايز قراره ، اول ما دخلت عليه

قلت له سلام عليكم يا مقدس

: قلت له سلام عليكم يا بحه

: السلام والتحية مالهش دعوى بالشغل الواحد

يرمى السلام ولو على عدوه

: وبعدين

: قلت له خدامك ارميا مكرم صحفى سرى ، قاللى

اهلا بيك قلت له تسمح لى اسألك كام سؤال عن

الدير وعن فضيلتك ، قاللى اتفضل ، قلت له اول

سؤال يا عم الحج : تعرف ايه عن هذا الدير والثانى

كام واحد كان معاك فى عملية الاستيلاء على الدير

والثالث كم مرة اتقلك ارجع وانت ركبت راسك

ومرضتش ترجع والرابع كم واحد شيوخى دخل

الدير من ساعة ما اتبنى والخامس لو انت صادق

وبقيت فى يوم من الايام البابا هتتغر وتنسى

اصحابك بتوع زمان والسادس ايه اللى خلاك تنضم

للحزب الناصرى ، عشان انت نصرانى ولا عشان

اللما حلو.والسؤال السابع ممكن تقوللى اسامى

اصحابك وعناوينهم والتامن تقدر تقوللى بتخبي

حاجاتك فى يا نمس والسؤال التاسع هل من

السهل عليك الاعتراف بانك على اتصال بحد . وبعد

كل الاسئلة الافة دى اللى تدوخ اتخن زعيم عصابة

، بدأ يتكلم : اتكلم كتير قعد بتاع اربع لبالى يتكلم

وكلامه كان حلو قوى ومقنع كده ولما جيت ماشى

سلم عليا جامد وقاللى ابقى تعالى وودعنى وقال

لى لاله الا الله قلت له محمدا رسول الله وركبت

المواصلات ولسه واصل وجيت لسعادتك على طول

: وفين بقا اللى كتبته ، فى التقرير

: تقرير ايه

، انفجر بيتر وامسك برقبة شكرى : فى ياد الكلام

اللى قاله الراهب

: وانا هاكتب كل اللى قاله ده انا كانت ايدى

وجعنتى وانا اصلا ضعيف ف الكتابة انا يا بيه لسه

مخدتش الشهادة بتاعة محو الامية

: يعنى ايه قصدك حفظت الكلام

: هو انا طالب ف الجامعة رايح امتحان عشان احفظ

: يعنى الكلام اللى قاله الراهب ضاع ف الهوا

: يا بيه انا جيت لك الخلاصة

: ايه هى قول

: تفكيره غير تفكيرنا

: فيه حاجة ثانى يا بحه

:لأ الحمد لله على كده

: طب ناولنى كاتم الصوت اللى هناك ده

وناوله شكرى بحه وركبه بيتر فى مسدسه ثم اطلق عليه كل خزنة الرصاص ، ثم وكان هذه الرصاصات مهدئات ، اعتدل ضغط الدم وانتظم دق القلب وانتهى الامر الى ان ذهب شكرى بحه ضحية لأفعال حموكشة ومشمش فهناك دائما من يدفع ثمن ما يفعله الآخرون .

وكان على العقيد بيتر ان يسعى هو لمقابلة الراهب وايضا بنفسه يقوم بمقابلة الطفل المختار وقرر ان يبدأ بالراهب لأنه رأى انه الاصعب وذلك الطفل ما هو الا اسهل ما فى الموضوع . وسافر لمقابلة الراهب ، ولما دخل عليه قال : سعيدة يا ابونا انا العقيد بيتر زريطة من امن الدولة

: باين عليك

: ازاى

: الضلال والعتمة اللى ف عينيك قالوللى

: عموما انا أسف على اى تصرف ممكن يكون حصل

من المخبرين انا جيت لك كتبك معايا

: ما جتتش ليه م الاول بدل ما تبعت لى مخبرين

وكمان مسلمين

: السماح يا ابونا ، المهم احنا عزيزينك تكون البابا

الجديد

: واياه المقابل

: مغيث بس ابعد عن السياسة ملكش دعوى بأى

حاجة تحصل ، ببساطة شوف شيخ الازهر والمفتى

بتوع المسلمين بيعملوا ايه واعمل زيهم ، اعتبر

البابوية وظيفة عند الحكومة زى مشيخة الازهر

يعنى ما تعملش فيها عنتر

: ماشى بس تدونى حرية بنا الكنايس بلا قيد واخذ

الفلوس اللى اقول عليها مهما كانت والوظايف

المهمة والحساسية تبقى بالنص بينا وبين

المسلمين وده طبعا للارثوذكس بس انا مليش

دعوى بالكاثوليك ولا البروتستانت ولا اى طائفة

مسيحية غير الارثوذكس وياريت دول ما يقعدوش

ف البلد هى دى شروطى

: موافقين ، مبروك عليك يا قداسة البابا

وخرج من الدير منشكح مملوء بالارتياح ، الدموية

عادت الى وجهه وما عاد شاحبا وقال لنفسه الآن

لم يبقى غير ذلك الولد الذى لن يكلفنى سوى باكو

شيكلاتة او نص جنيه ويبقى الموضوع خلص

وتبقى يا واد يا بيتر مدير امن الدولة يووووه انا

عارف ما قتلوش البابا من زمان ليه.

وبمنتهى السهولة وجد ذلك الطفل وعندما وقع

عليه البصر خاصته قال ان الواد ده مش مريح

ومنظره فقرى واياه اللى ف دماغه ده ، الواد فى

سنه ده واقرع ومع هذا محدش غيره ينفع شكله

العفش فيه حاجة تخلص اى حد يثق فيه . ثم اتجه

اليه واقترب حتى ما عاد هناك مجال للاقترب وقال

له : صباح الخير يا حبيبى

فقال الولد وهو ينظر الى الخلاء : مين وصمت

دقيقة واصاف : انا

: ايوه انت يا حبيبى قوللى اسمك ايه

: انا طب وانت مالك ، هو ايه ده انت متعرفوش

: لأ قولى انت

: اقولك ، اقولك ايه

: اسمك

: اسمى انا ، طب وهو انت مين

: انا عمو

: لأ يا عم مليش دعوة

: انت خايف منى

: كس امك

: ليه يا حبيبى كده

: مغيث بس اصل الغلب مخلينى متزاول وعندى

هواجس

: لأ لأ ده انت ولد جدع

: ليه هو انا سكران
: بص يا حبيبى انا عايزك فى موضوع هيكسبك
فلوس كتير
: طب وعرفته منين
: عرفت ايه
: الموضوع
: مش انا اللي هاكلمك فيه يبقى اكيد عارفه
: معاك ، طب ممكن تفرجنى عليه
: افرحك على ايه يا اد انت
: ع الموضوع
: يا ابنى الموضوع ده حاجة ف دماغى
: آه ، يعنى عايزنى اشرب مخدرات واعمل دماغ زيك
: يا ابنى خليك معايا
: لأ انا ممكن قوى اركب اى حاجة ماشية كده
: يخرّب بيتك
: انا
: ايوه انت
: انا قالولى تعالى بس انا اللي مرضتش
: مين هما اللي قالولك تعالى بس انت اللي
مرضتش
: معرفش اسال بابا
: جرحوم
: آه بابا ف الوقت ده كان اسمه جرحوم
: ودلوقتى اسمه اتغير
: لأ هيغيروا ليه ماهو لسه شغال
: طب بابا ايه علاقته بالحكاية
: اصل لما دخلوا عليه وقالولوه : مبروك جالك ولد
هتسميه ايه ، قال لهم قالولى تعالى بس انا اللي
مرضتش وكل ما يسألوه يقولهم قالول تعالى بس
انا اللي مرضتش فسمونى زى بابا ما قال
: يعنى الجملة دى اسمك
: اصل بابا كان مشترك ف عصابة وكانوا رايعين
يسرقوا بنك وقالوا لبابا تعالى معنا ، بس هو اللي

مرضتش ولما العصابة وزعوا الفلوس اللي سرقوها
م البنك كل واحد منهم طلع نصيبه ٢٠ مليون دولار
ومحدث منهم بقى يعبر بابا وهو اتعقد وحس انه
فقير وخول وفضل فترة جامدة مفيش على لسانه
غير الجملة دى
: شوف انا ممكن اساعدك وتغير اسمك
: لأ انا كويس كده وممكن اعيش بيه
: يعنى انت مبسوط
: انت عارف يا عمو انت مشكلتك ان دماغك عادية
ومش مدهلزة وسايب الولاد يجروك من ودانك زى
الخروف وممكن تكون قرئت مجلة سمير لأنها سهلة
عليك وبسيطة هتقدر تستوعبها وتتعامل معاها
كويس لكن عشان واحد حمار زيك يقرأ تان تان
صعب ، ايه رأيك مش انا صادق ف ده
: انت ياد بتقول ايه
: مين انا
: اما انك عيل متناك صحيح ايوه انت امال امى
: امك انت هتجيب امك ليه ما احنا ممكن نسامح
بعض من غير ما يكون فيه حد زى امك ف الموضوع
وبعدين انت اصلا لو حكيت لها مش هتفهمك ما هو
انت حمار امك هتكون جاموسة ع الاقل او بغلة
: انت بتشتتم امى
: انت زعلت ، طب انت عندك اخوات
: انت مالك ومال اخويا جرحس
: تبقى ام جرحس هى اللي جاموسة خلاص مش
زعلان
: طب ماهى ام جرحس تبقى امى
: ليه ، دى علاقة فرعية ومش لازم يكون تفكيرك ف
الاتجاه ده ، انت يا عمو تعبان تعالى
وسار امامه الى تحت سور ممتد عرضا وقال
قالولى تعالى بس انا اللي مرضتش للعقيد بتر
زريطة وهو يجلس القرفصاء: اقعد يا عمو ، اسلت

بنطلونك وكلوتك وشمم طيزك الهوا وفضى
المتعبي

: يعنى ايه

: تعرف يا عمو لولا انك كبير كان زمانى شخرت لك
: بس انا مش لازمى اشخ وانت عايز واحد زى
يشخ ف الشارع

: كلهم بيقولوا كده ، اقعد انت بس وانت هتلاقى
نفسك شخيت احلى شخة ممكن تشخها ف حياتك
اصل الطريقة دى لها طعم تانى خالص

: طب ادينى قعدت فين بقا الجديد
: ايه ده انت عايز حاجات جديدة اوعى تنزل
الاوكازيون

: يا ابنى الجديد اللي ف القعدة
: مغيهاش اى جديد انت قاعد القعدة اللي كل
المزنوقين ف الدنيا بيقيعدوها ، انت بس اللي بتحب
المنظرة

: انت بتضحك عليا

: استنى شوية هتلاقى الخرا الأسود اللي مالى
بطنك اترسب حنة حنة ، ركز بس وكل حنة هتطلع
براك هتجس كأن شوكة اتسحبت منك وع الراحة
وانده اصبر بس

: ولم يجرب الصبر : آه ، تصدق ان كلامك مضبوط من
اول قطعة والواحد بدأ يفوق وينتعش

: ولسه العفرشة الكبيرة ، كل ما تسحب منك
الارض هتشم نفسك وتبرطع ف البراج
: ياه ياد يا قالولى القطعة الثانية دى وكأنها كانت
طابقة على قلبى

: مش قلتلك وانت تقولى مش لازمى وانت عندك
قلوط ما يقلش عن ١٦ او ٢٠ قطعة

: انت ولد بتجس بغيرك

: غيرى ، غيرى ايه انا مليش دعوى بحد

: ايه المتعة دى

: متعة ، انت حطيت ايه ف طيزك

ونظر اليه ليطمئن فوجده منتشيا : خد بالك
المعجنة اللي تحت منك قربت قوى من طيزك

ارتفع بيتر بنصفه السفلى : الواحد من السلطة
مش حاسس بنفسه وكأنى مشختش من سنين
: آه فعلا باين من الريحه انك سبتهم لما ماتوا جواك

: فيه قطعة متبته شوية مش عارف انزلها يا قالولى
: كبيرة ولا صغيرة ، حدد لى حجمها
: حنة تيجى قد اللمونة

: كل اللي تحت منك ده ولسه فيه تانى قد اللمونة
مع انك ما كنش لازمك ، امال لوكان لازمك كنت
غرفتنا ، انا حاسس انك مشكلة واللى يشوف اللي
تحتك ده يقول انك ما بتاكلش غير خرا

: دى صدفة

: صدفة، يعنى هو انا غلطت لما قلت لك اقعد شخ
كنت فاكرك ابن ناس ومحترم تقوم تعمل كده ، ليه
تعمل معايا كده

: مش وقت العتاب يا قالولى استنى عليا لما الاقى
حل للقطعة اللي مش عارف انزلها دى
: تسمح لى اساعدك

: ازاي

: انا دايمًا تقابلنى مشكلات وهى ليها حل مش
ملهاش بس اوعدننى اول ما تجس انها نازلة تقوللى
بسرعة ، خد الخرطوم ده وفوته ف طيزك فى اولها
يدوب نص صباع

: انت ازاي تقول لى كده ولو حد شافنى وانا حاطط
الخرطوم ف طيزى
: يا عمو انت حر ف طيزك تحط فيها اللي انت عايزه

والدوا دايمًا مر

وادخل بيتر الخرطوم فيه

: انا هاسحب من الناحية الثانية زى الشيشة

ووضع قالولى طرف الخرطوم الاخر وسحب

: ياد انت كده بتنفخ لجوه يا حمار اهى طلعت لفوق

اكتر شد لتحت يا جدع

: يا عمو انت اللى مش مدخل الخرطوم فيك كويس
الخرطوم منفس زيجه لجوه وضم طيزك عليه قوى

: اوصف لى مكانها بقا

واستمروا هكذا لخمس دقائق حتى زهق قالولى
وشخط فيه : انت عندك استناد فى طيزك ، امشى
يا حيوان معاها لما تزنيها ف ركن

: بس بس هى دلوقتى ع الفتحة بالضبط شد يا
قالولى

شد فخرجت القطعة الليمونية تجرى ، فاسترخى
بيتر : يا لهوى يخرب بيت التعب ، متشكر قوى

وصاح قالولى فجأة وهو يقف منتفضا ويرفع ثيابه :
بابا ، بابا

ثم رفع قدمه اليمنى واستقر بها فوق كتف العقيد
بيتر الذى ما زال جالسا القرفصاء واسفله ما حقق
له الراحة بالخروج منه ، ليصل لحافة السور فيقفز
الى الناحية الاخرى ويهرب ، بينما انبط بيتر على ما
سال منه ، متربعا والرائحة الطازجة ذات البخار
المتصاعد تتراقص حوله والقهر والغيط وقلة الحيلة
سيقتلونه . قدمدم من خلال داخله ما لو راقبنا
حركة الشغايف لايه لتبين انه يسب الدين .

تمالك ما تشتت منه ولملم اعصابه وركنها ف
البرودة ومضى وصل لمنزله بدل ثيابه المعكوكة ،
ثم خرج الى مكتبه والحقد يتصاعد بفعل الذكرى
مكونا رصيذا ضخما ليس فى صالح قالولى ، لم
يستطع الجلوس ، غير قادر على الهدوء وقال انه
لايد من فش الغل فى احد وانه لن يستطيع التحمل
حتى تنتهى العملية ويدهن طيز قالولى غسل
ويحبسه فى منحل ثم يديحه .

استدع جميع المعتقلين عنده فى الجهاز ورضهم
فى الغناء وامرهم بالجلوس لقضاء الحاجة ، فعلوا
ولما اطمئن ان تحت كل منهم خير قام بضغطهم
واحد واحد بنفسه فوق خراهم .

ارتاح بعض الشئ وان بقى فى حلقة غصة .

فى صباح اليوم الذى كان لازم يقتل اخوه حتى
يظهر هو ، خرج بيتر متنكرا حتى لا يتعرفه قالولى .
ووجده فى طريقه الى مدرسته ، سار على مسافة
منه يحذر الا يراه ، جلس قالولى على الرصيف
واتجه ببصره الى اعلى وبعد ٣ ساعات من المرور ،
نطق قالولى بصوت سمعه العقيد بيتر الذى اقترب
من ان يكون مشلولا : يا ترى هيطلع امتى ، ممكن
يكون وراه حاجة او يمكن عنده مشوار او يمكن انا
عنده واحد مش كويس ، آه ممكن قوى ، بس ماما
قالت لى انه هيطلع لو انا احتجته او ممكن ما
تكونش دى الحنة اللى يبصوا لربنا منها او جاز
يكون ما بيحبش المنطقة دى وعشان كده مش
هيعبرنى لانى واقف ف الممنوع واكيد هيدبنى
مخالفة ، طب انا هادفعها منين دلوقتى

وقطع حوارهم بمباغنة مدمرة ونظر الى العقيد بيتر
الذى كان يجلس قريبا والذى فشل فى ان يخفض
رأسه وينزل برقبته لوضعها الطبيعى فقد تصلبت
وتخشبت العروق ٣ ساعات برضه كتيرة والواحد
باصص لفوق : سعيدة يا عمو ، معلش خد بعضك
وجرب فى مكان تانى ، ما هو انت مش فتك يعنى
عشان يسوع يطلعلك وما يطلعليش

: غور من وشى

: ومالك كده ما بتحبش حد ، لازم انت متعقد ضرورى
باباك ناكك صح

: بس انا رقبتي تفك وانا هاقطعك باسنانى

: جتك نيلة ، بقولك آيه انا ماشى

: رايح فين

: نيجى معايا نتفرج على مسرحية يسوع الطفل ف
الكنيسة

: وهينفع اروح معاك

: ليه هو انت فاضى مفيش حاجة شغلاك

: مش انت يا ابنى اللى قلت لى تعالى معايا

: انا

: ايوه
 : طب وانا هاقولك كلام زى ده ليه ايه مصلحتى ف
 كده
 لعن بيتر كل ما هو صالح للعة
 : هتاخذنى معاك ولا لا
 : عافية ولا ذوق
 : ذوق طبعا
 : خلاص تعالى بس تقعد ساكت وما تلعبش فى
 حاجة
 بدأت المسرحية ولما دخل الولد الذى يقوم بدور
 يسوع الطفل مال قالولى على اذن بيتر : شفت
 المعجزة يا عمو
 : فين
 : عارف الواد اللى ع المسرح
 : ماله
 : طلع انه المسيح وعارف انه مستلف منى جنيه
 ونص
 : مين اللى طلع المسيح
 : الواد اللى كان عامل روحه الشهر اللى فات عيل
 م العيال العادية ، بس عشان يبقى فيه حد قايل لك
 انا م الاول شكيت فيه وعرفته
 : ازاي
 : لما جه يستلف منى الفلوس كان كلامه دينى
 : يعنى ايه كلامه دينى
 : انت لسه فبك العادة الوسخة دى ، لسه ما
 بتعرفش حاجة لوحدك ايدا ، لازم اعيد وازيد ، ده
 انت متخلف ، يعنى الكلام بتاعه فيه حاجة بتاعة
 ربنا
 : هو قالك ايه
 : مين
 : الواد
 : واد مين
 : الواد اللى ع المسرح يا قالولى

: قالولى، ايه ده انا فعلا اسمى قالولى ، مسرح ،
 آه ، ده يسوع الطفل يعنى يسوع وهو صغير انت
 مش عارفه ، اوعى تكون من ولاد اللبوة المسلمين
 : اخرس
 : بس انت فيك شبه منهم ريحتك وحشة وبتكذب
 على طول وخول شوية
 : يعنى انت شايفنى كده
 : مع انه آه ، بس مش ده اللى عاوز اوصلهولك
 : امال ايه
 : ان انا مداين الرب يسوع ، ليا عنده فلوس
 : ازاي
 : يخرب بيت غباوتك انت مش متعلم غير كلمة ازاي
 ، ما بتعرفش حاجة من نفسك خالص كله لازم
 يتفسر لك ، كله عندك غامض ومش متشاف كويس
 ايه ده
 : يا حبيبي عيب تكلم واحد قد ابوك بالطريقة دى
 : طب انا هسالك سؤال لما حد يحب يستلف من
 التانى يقول له ايه : يقوله سلفنى ، ادينى ، شوف
 لى معاك كذا
 : يسوع بقا لما جاني متكرفى شكل واحد صاحبي
 قاللى : امنحنى مائة وخمسون قرشا . فقلت له
 ليه . قال لأنه فى حاجة لأحتساء الانفاس . قلت له
 يعنى ايه احتساء الانفاس . قبص لى كتير وقال
 ببطء وكلمة كلمة : السؤال ف الايام دى حرام
 دلوقتى بس افكرت ان ساعتها كان اسبوع الالام
 شغال، شفت بقا الدين اللى ف كلامه ، امنحنى ،
 حرام، احتساء
 : يا ابني حرام عليك فين الدين فى كلام واحد
 خرمان ، عايز يشتري علبة سجائر ، ليه يا ابني
 تخلينى اوصل لدرجة انى ممكن اشكيك ليسوع
 وادعى عليك
 : ها ها اشتكىنى
 : مش هامك

: وادعى عليا مش مشكلة

مش مشكلة

: آه ، لأن يسوع مش هبعبرك ، عارف ليه ، لأنه لو كتر معايا ف الكلام هاقوله هات الغلوس اللى عليك الاول وانت اديك شايف حال البلد واقف ومحدث معاه فلوس

: وانت مين قالك ان حال البلد واقف ، قولى اساميهم واحد واحد

: ماما واسمها لورانس واسم الدلع فرغل

: امك اللى قالت لك كده

: انا كنت بسألها ليه محدش جايب لى اخ ولا اخت احطم لها معنوياتها واعقدها واخلى سنينها سودة ، فراجت ماما مكشرة وقالت لى : اخرس يا واطى يا ابن الواطى ، آه هو حال ابوك الشرموط واقف ليل ونهار ، بس مش عليا ، وان كان غدر بيا مرة ونكتك فيا فمش هيحصل تانى ولو فضل حال ابوك والبلد كلها واقف مليون سنة

: انت امك ست عظيمة يا قالولى ، يا بختك بامك ، انا اقدر اقولك ان مغيث بين النسوان من نوعية امك الا نسخ قليلة جدا

: يعنى امك مش من نوع امى

: فقال بيتر بحزن صافى ومرارة نقية : نهائى

: آه ، طب لحظة ، استنى انا هاقولك الحل ، يبقى ابوك اتجوز واحد صاحبه ، صح

: تركه وهو مخنوق بالغضب ، مشلول من الغيظ ، متأكدا من انه سيحدث له شئ ما سئ كأن يفقد البصر او السمع او يصاب بورم خبيث فى المخ .

وجد نفسه امام منزله فقرر ان يغش غله فيها وينقذ نفسه من الخطر المهدق به ، صعد الى شقته ، فتح الباب ، نادى على زوجته ، اقبلت عليه مرحبة فتلقاها بسيل من الصفعات والركلات والشتائم عميقة الفحش وكان يستعمل فى حديثه الضمير المذكور : بقا انت تعمل فيا كل ده يا ابن الوسخة يا

جبان يا واطى ، انا يامعرض يا شرموط . وهذا من شدة الكراهية المسيطرة عليه تجاه قالولى وعجزه مع ذلك عن الانتقام منه ، لدرجة انه لم يستخسر زوجته فأحلبها كبديل مؤقت له .

وتوقف عن ضربها ليتذكر ما كان يود ان يفعله فى قالولى ، بينما زوجته الذهول بينك فيها لسه .

فتذكر انه كان نفسه يغتصبه قهرا له وكسرا لعينه واذلالا ، فألقى بزوجه ارضا وشلح عنها ثيابها وهم باختراقها ولكنها كانت قد سقطت على ظهرها فقلبها على وجهها واعاد الهم بالاختراق ولكنه فى اللحظة الاخيرة خطر له ان قالولى ممكن يكون من خوات وسط البلد ، مرتادى الخرابات ، فيكون باغتصابه له يسديه خدمة جليلة ويروق له دماغه ، فتراجع ولفت نظره عضوه الذكرى المتأرجح بين فحذيه وومضت فكرة عبقرية وقال له : انا دلوقتى مفروس وعشان ارتاح لازم افرس مراتى واكثر حاجة ف الدنيا ممكن الراجل يفرس بيها مراته هى حاجة واحدة : وتناول مديته الحامية واطار بها ذلك العضو الذى هو الوحيد القادر على انهاء اى قصة عشق لو تبين عدم تواجده ، فيكفى ان تعلم اى جولييت ان اى روميو ليس لديه هذا العضو حتى تكف للابد عن عشقه ، انه عضو صاحب فضل كبير وسحر عظيم وهو متفرد بذلك .

ولما اطار الغالى ولمحت زوجته العضو المشهور بكثرة اسمائه يفرفر ارضا ويحتضر ، لطمت وولولت على هذا الجميل ، المقدس ، المذبوح .

لملم بيتر جرحه ودس فى الفجوة التى ظهرت مكان عضوه قطعة قماش كبيرة فانقطع النزيف ووضح على ملامحه الراحة والهدوء وتأهب للخروج ليغضى سهرته فى مكان لطيف . لولا تلك الزوجة التى فقدت عقلها وعلا صراخها وجرت خارج غرفة النوم ، تاركة خلفها زوجها المخصى والمرحوم الزبر .

ولما خرجت اصطدمت بحشد من الجيران اقبل على صراخها .ولحق بها العقيد بيتر فوجدها تستعد لتحكي لهم ما جرى فسحب مسدسه واطلق عليها النار فأصابها فى مقتل وسقطت ميتة .
انسحب بهدوء وغادر الشقة واغلق الباب من الخارج على حشد الجيران واسرع الى مكتبه فأرسل فرقة مخبرين مدربة على طحن المواطنين . فطحنوهم وجعلوهم يوقعون على اقرارت تقول بأن كل فرد منهم على حدة هو القاتل واقرارت اخرى تقول بأنهم مجتمعين هم المنظمون والمؤسسون لجماعة الاشتراكيين الثوريين المناهضة لنظام الحكم .

وفى اليوم الذى قرر ان يكون الاخير المخصص لهذا الولد . وفى هذا اليوم كان بيتر مصمما جدا على الا يراه قالولى ، دخل فى تحدى مع نفسه وبكل سنوات خبرته ليحقق هذا .

انتظره امام منزله حتى خرج لافحا شنطة على كتفه ومشى ، فمضى ورائه . ظل سائرا من العاشرة صباحا والساعة الآن تجاوزت الواحدة وقالولى يمشى فى خطوات ثابتة المقدار ولاينظر حوله لا يمد بصره الا الى الامام .

بدأ العرق يطفح على العقيد بيتر والشمس تشتد فى سلخ رأسه .

الساعة الآن الثالثة ، بيتر بك الدم ، ما اكله بط بط خرج على بدنه وز وز . منظره بات بشعا ورائحته انتشر بخارها النتن حتى صنع سياج حوله ، اسودت شفائفه من الغيظ وليس فقط من ذل العطش ، فرت دموعه وتغحم قلبه كرها لقالولى .

قالولى مازال ماضيا لا يابه بالحادث من حوله ، الجارى خلفه ، يعرف وجهته .

العقيد بيتر عندما التقى بأول زير مياه شرب نصفه ودلق الاخر فوقه ، انتعش وفاق واسترد حياته واول ما نطق به وذلك فى الساعة الرابعة : يا ابن

المتناكة ، يا ابن المتناكة تمشينى وراك ٦ ساعات ف عز الولة يا ابن المتناكة

وسمع من خلفه من يقول : كس امه التفت فوجد قالولى فتحفز وتتمر وفاض به : انت على مين

: اللى انت بتشتمه يا عمو ، انا اصلى احب المشاركة واحساسى بغيرى يميزنى وانت اللى يزعلك يزعلنى

وحزن للغاية وفقد ثقته فى نفسه تماما لما وجده عرفه رغم كل التنكرات ، احس بخيبة شديدة ومرة وفظيعة ، تمنى لو ينتحر . ووجد قالولى يسأله : متعرفشى امشى ازاي يا عمو

: هى لسه فيها مشى

: انت مش عارف

: انت عاوز تروح فين

: الجنوب

: حلوان يعنى

: لأ ، الجنوب ، جنوب البلاد

: فين يعنى

: قبل السودان بمحطتين اصل انا معزوم

: معزوم قبل السودان بمحطتين ، معزوم على ايه بقا

: وانت مال امك

: يعنى ايه العزومة اللى تخليك تروح لحد السودان

: دى عزومة كبيرة قوى تلاقى فيها قوطة وسلطةوطماطم

: هتروح كل المشوار ده عشان قوطة وسلطةوطماطم

: اصل انا مشهور انى طفس ، اروح ورا بطنى اخر الدنيا

: وانت ناوى تروح لحد هناك مشى

: طبعا عشان اوصل وانا ميت م الجوع

: طب م العزومة هتكون خلصت

: انت اهل العزومة لسه عليها شهرين امال انا
طالع بدرى ليه

: طب وانا

: انا مش حمل مشى ابوس رجلك اركب مواصلات
وانا هادفع لك ارحمنى يا ابنى انا رجلى باطت
: انت ظريف يا عمو بس انت مش معزوم فمممكن
تروح عند امك

وكان سيعاود قالولى المشى من جديد ولكن بيدر
فقد السيطرة على عقله فأوقفه وعرض عليه
العملية . فوافق ، فلم يصدق بيدر ولا استوعب ان
الامر تم بهذه البساطة العبيطة لدرجة انه تسأل
لماذا جرت كل تلك البهذلة .

الغى قالولى مشوار العزومة وقال بيدر للريس انه
كله تمام وهى مسألة وقت بسيط ونقفل الملف .

وفى اليوم المقرر لأختبار البابا الجديد ، كان الجميع
فى البطيركية حتى حرجوم كان موجودا فهو
كشخصية عامة مهمة كان حريصا على حضور
المناسبات العامة المهمة . وشوهد حرجوم واقفا
مع احد آباء الكنيسة الذى قال له : انت فينك يا
ابنى اديلنا كتير محدش شافك

: بأمانة يا ابونا كنت متعقد شوية

: من ايه

: من ساعة ما سمعت الأب مينا يوم ما اشترى
موتوسيكل لأبنة يقول للناس ان الرب يحب من
ابناؤه الذين هم راكبى الموتوسيكلات وانا مليش
نفس احى الكنيسة .

وجه له نداء ، فنظر الى الناحية التى فيها مناديه
هناك من يشاور له قائلا : بابا ازيك

دهش مدة ثم نطق : خد يا ولد

ولكن الولد الذى هو قالولى لم يهتم لطلب ابيه
وهذا ما اغضب حرجوم الذى طنش الأب الواقف
بجواره وقال لنفسه كنوع من الاكتفاء الذاتى :

الظاهر الواد ده ابنى ، بس ازاي انده عليه ما
يعبرنيش ، الواد ده مش متربى

نسى الامر بعد قليل ، بينما قالولى استمر منطلقا
فى طريقه الى العقيد بيدر الذى سأل : مذاكر
كويس يا بطل

: لا انا ف العادة بعمل برشام

: برشام ايه يا ابنى

: اسبرين

: بقولك ايه الا النهاردة طمنى عارف هتعمل ايه

: اطمن

: طب ريحنى وقول اللى انا حفظتهولك

: اريحك ، طب لف واقلع لباسك

: يا قالولى اعمل معروف انا مستقبلى ف ايدك

: شوف لى كرسى اقعد عليه لحسن باتعب م

الوقفة وعندى واحد صاحى بيتعب م العيد

: بص اول ما تفتح الورقة تقول ميخائيل وتدى

الورقة لأبونا لوقا ، فهمت

ومضت كل الاشياء وما بقى سوى ان يخرج قالولى

من بين الصفوف بعد ان يختاره الأب لوقا الذى تمت

رشوته . من بين الأطفال ليصعد الى المنصة ويدس

يده فى صندوق الورق ويخرجها ويعلن الاسم

المطلوب اعلانه ثم يصدق عليها الأب العميل ،

المباعة ذمته ويرتاح الجميع وينتهى الامر .

وحبس الجميع انفاسهم وانتبهوا ما عدا حرجوم

الذى صادفت رؤيته لأبنة المتجه نحو المنصة

سماعه احد الآباء المجاورين له يشخط فى ابنة

ليعتدل فى وقفته ويكف عن اللعب فأمثل الأب

طائعا زى الجزمة .

دهش حرجوم واشتعل غضبه ونفخ عليه عرق

الغيرة والحقد وتسأل : اشمعنى انا دونا عن بقية

الأبهاء الواد ابنى لما انده عليه يطنشنى ولا كانى

نطقت اصلا ، اشمعنى انا اللى ابنى مش محترمنى

، م العيال الثانية حلوة اهى وسرها هادى لكن لا

انا مش خول انا هارييه واعلمه ازاى يسمع كلمة بابا يقولها .

وكان قالولى يقترب اكثر من المنصة والعقيد بيتر يقف عند الكواليس خلف مديره ، يفرك يده والابتسامة المنتصرة جاهزة للظهور ويستعد ليلطع مديره الذى سيصبح سابقا على قفاه فور اعلان اسم البابا الجديد والذى يعنى انه نجح واصبح هو المدير الجديد لآمن الدولة حسب وعد الرئيس ولهذا قرر ان يختم عمل مديره المعرض بصفحة مدوية ، جميلة .

وكلما تقدم قالولى خطوة تقدمت يده من قفا المدير .

وفجأة اندفع حرجوم نحو قالولى وفى منتصف الخطوة الاخيرة قبل المنصة ، امسك الأب بذراع ابنه فى نفس اللحظة التى هوت كف العقيد بيتر فوق قفا مديره المكشوف وحدثت فرقة ولكن لم يسمعها احد وانما سمعوا حرجوم وهو يجر قالولى خلفه خارجا من البطريكية والغضب قد تملكه وعرق الأصالة والأبوة ناقحين عليه ويصرخ فى قالولى : قدامى ع البيت يا ملوى الرقبة ، انا هاريك من اول وجديد يا سطايط يا صايع ، انا خلاص فضيت لك ، ما ورييش غيرك يا كلب يا ابن الكلب .

محمد ربيع

اغسطس 2001

